

涅槃後更不間法必當得成獨覺菩提佛說此守護國界主陀羅尼經時無量無數種種衆生發阿耨多羅三藐三菩提心無數菩薩住不退地無數世界六種震動日月光明所不能照幽闇之處而皆大明雨衆天花繽紛亂墜十方國土諸來菩薩在此會者為供養佛及此經故於菩提樹道場四面各四由旬以種種寶衆妙雜花莊嚴其地異口同音而白佛言世尊我等今日得大利益不空而還得聞於此決定最勝微妙經典唯願世尊釋迦牟尼長延壽命願令此經久住不滅於閻浮提一切國土作大利益世尊若比丘比丘尼優婆塞優婆夷國王大臣一切人民受持此經除諸痛苦壽命長遠普能利樂一切衆生今時文殊師利菩薩白佛言希有世尊希有世尊如是決定最勝經典言詞微妙文字句義莊嚴圓滿能令一切菩薩大衆生歡喜心摧伏一切諸魔外道善能任持一切法門能令一切衆生歡喜是能出生一切乘道

守護國界主陀羅尼經卷第十 第十一

隨順趣入一切如來功德大海若有能於如是經典精勤宣示一切不空復白佛言世尊當何名此經我等云何奉持佛告文殊師利菩薩摩訶薩言此經具有一千名宇所謂名為毗盧遮那廣大三密甚深一字經亦名二界最尊勝經亦名如來說大悲門亦名聞如來法不空得記亦名如來微妙法藏亦名如來妙究竟果亦名如來微妙法眼亦名普照諸法寶炬亦名能斷一切邪見亦名顯示諸法平等有如是等一千名宇時文殊師利復白佛言世尊如是名中雖皆甚深唯願如來為我決定說一名字令我奉持佛言善男子此經決定應名守護國界主陀羅尼以是名字汝當奉持所以者何以一千名依此生故今時世尊說此經已一切世間天人阿脩羅乾闥婆等無量衆衆聞佛所說皆大歡喜信受奉行

守護國界主陀羅尼經卷第十

丙午歲高麗國大藏都監奉

勅雕造

千禧年八月二十七日 萬二千張

大唐新翻譯大乘本生心地觀經序 臣

御製

噫夫物我既殊嗜欲方熾六根陷因緣之境七情奔利害之場蓋纏其具執縛於妄愛惡攻內紛華蕩前心類騰猿身若狂象豈復悟菩提之性息塵埃以自明了真如之理本空寂而為樂不有妙覺其孰能拯溺乎由是至人開法大士傳教濟群迷於彼岸斷諸妄於此門不滅不生現色空而俱泯無來無去觀性相以皆如然則泯色空者非言無以極其致如性相者非文無以會其歸設此筌蹄納諸遠路此蓋西方神人之大教也大乘本生心地觀經者釋迦如來於耆闍崛山與文殊師利彌勒等諸大菩薩之所說也其梵夾我烈祖高宗之代師子國王之所獻也寶曆之年秘于中禁朕嗣守丕業虔奉昌圖聽政之暇澡心於此以為攝念之旨有輔於時潛導之功或裨於理且大雄以慈悲致化而朕生而不傷法王以清淨為宗而朕安而不擾敷教于下用符方

便之門勵精以思是叶修行之地無
爲之益不其至乎夫如是得不須時
真宗聞弘奧義者也乃出其梵本於
禮泉寺詔京師義學大德厨賓三藏
般若等八人翻譯其旨命諫議大夫
孟簡等四人潤色其文列爲八卷勒
成一部如來祕藏歷歷劫而初開大
乘真理超沙界而方證燭其昏昧示
以津梁俾披閱之者甘露灑於心目
悟之者醍醐流於性境嗟嘆不足披
覽豈忘亦既書寫聊爲序引雖離諸
文字詎假發揮而啓其宗源式存年
代時我唐御天下一百九十有四年也
大乘本生心地觀經卷第一

大唐厨賓國三藏般若奉詔譯

序品第一

如是我聞一時佛住王舍城耆闍崛
山中與大比丘衆三萬二千人皆是
阿羅漢心善解脫慧善解脫所作已
辦離諸重擔逮得已利盡諸有結得
大自在住清淨戒善巧方便智慧莊
嚴證入解脫到於彼岸其名曰具壽
阿若憍陳如阿史波室多摩訶那摩

本經地持卷第一

第二卷 經

波帝利迦等詞迦葉憍梵波提離波
多優樓頻螺迦葉那提迦葉伽耶迦
葉舍利弗大目捷連摩訶迦旃延摩
訶迦毗那其提那富樓那滿多羅尼
子阿尼樓駄微妙臂須菩提薄拘羅
難陀孫陀羅難陀羅睺羅如是具壽
阿羅漢有學阿羅漢等各與若干百
千眷屬俱各禮佛足退坐一面
復有菩薩摩訶薩八萬四千人俱皆
是一生補處大法王子有大威德如
大龍王百福圓滿身光照曜猶如千
日破諸昏闇智慧澄澈逾於大海了
達諸佛祕密境界然大法炬引導衆
生於生死海作大船師憐愍衆生猶
如赤子於一切時恒施安樂名稱普
聞十方世界自在遊戲微妙神通已
能善達諸總持門具四無礙辯才自
在已得圓滿大願自在妙善成就事
業自在已能善入三昧自在具足圓
滿福德自在常爲衆生不請之友經
無量劫勤修六度歷事諸佛不住涅
槃斷諸煩惱種習皆除雖生六道而無
過失現身十方講說妙法無量世界化
利群生制諸外道摧伏邪心離斷常

本經地持卷第一

第三卷 經

因令生正見而無往來動搖之相非
嚴而嚴十方佛土不說而說妙理寂
然住無所住度人天衆受無所受廣
大法樂披精通進甲執智慧劍破魔軍
衆而擊法鼓身恒徧坐一切道場吹
大法螺覺悟群品一切有情悉蒙利
益聞名見身無空過者具三達智悟
三世法善知衆生諸根利鈍應病與
藥無復疑惑布大法雲澍甘露雨轉
不退轉智印法輪開生死欲關涅槃
門發弘普願盡未來際度脫群生此
諸菩薩不久當得阿耨多羅三藐三
菩提其名曰無垢彌勒菩薩師子吼
菩薩妙吉祥菩薩維摩詰菩薩觀自
在菩薩得大勢菩薩金剛藏王菩薩
地藏王菩薩虛空藏王菩薩陀羅尼
自在王菩薩三昧自在王菩薩妙高
山王菩薩大海深王菩薩妙辯嚴王
菩薩歡喜高王菩薩大神變王菩薩
法自在王菩薩清淨雨王菩薩藥王
菩薩藥上菩薩療煩惱病菩薩寶山
菩薩寶財菩薩寶上菩薩寶德菩薩
寶藏菩薩寶積菩薩寶手菩薩寶印

本經地持卷第一

第四卷 經

手菩薩寶光菩薩寶施菩薩寶幢菩薩
寶大寶幢菩薩寶雨菩薩寶遠菩薩
寶杖菩薩寶結菩薩寶吉祥菩薩寶
自在菩薩栴檀香菩薩大寶炬菩薩
大寶嚴菩薩日光菩薩月光菩薩星
光菩薩火光菩薩電光菩薩能施念慧
菩薩破魔菩薩勝魔菩薩常精進菩
薩不休息菩薩不斷大願菩薩大名
稱菩薩無礙辯才菩薩無礙轉法輪
菩薩如是無垢菩薩摩訶薩等各與
若干百千眷屬俱

復有億萬六欲天子其名曰善住天
子威德天子普光天子清淨慧天子
吉祥天子大吉祥天子自在天子大
自在天子日光天子月光天子如是
等天子釋提桓因而爲上首悉皆愛
樂大乘妙法願隨奉事三世如來入
不思議祕密境界莊嚴諸佛衆會道
場各與若干百千眷屬俱

復有恒河沙色界天子其名曰大光
普照天子無垢莊嚴天子神通遊戲
天子三昧自在天子陀羅尼自在天
子大那羅延天子圓滿上願天子無

本經地持卷第一

第五

本經地持卷第一

第六

擬辯才天子吉祥福慧天子常發大
願天子如是等天子光明大梵天王
而爲上首悉皆具足三昧神通樂說
辯才歷事諸佛三世如來菩提樹下
坐金剛座破魔軍已證菩提時徧至
衆會皆於最初勸請如來轉妙法輪
開甘露門度人天衆善悟諸佛祕密
意趣於大菩提不復退轉各與若干
百千眷屬俱

復有四萬八千諸大龍王摩那斯龍
王德叉迦龍王難陀龍王跋難陀龍
王阿耨達池龍王大金面龍王如意
寶珠龍王雨妙珍寶龍王常樹甘雨
龍王有大威德龍王強力自在龍王
如是等龍王娑竭羅龍王而爲上首
悉皆愛樂大乘妙法發弘誓願恭敬
護持各與若干百千眷屬俱

復有五萬八千諸藥叉神大羅子王
藥叉神日輪光照藥叉神妙那羅延
藥叉神甚可怖畏藥叉神蓮華光色
藥叉神諸根美妙藥叉神外護正法
藥叉神供養三寶藥叉神雨衆珍寶
藥叉神摩尼鉢羅藥叉神如是等諸

藥叉神僧慎爾邪藥叉神而爲上首
悉皆具足難思智光難思智炬難思
智行難思智聚而爲衆生制伏惡思
使得安樂能延福智守護大乘令不
斷絕各與若干百千眷屬俱

復有八萬九千乾闥婆王頂上寶冠
乾闥婆王普放光明乾闥婆王金剛
寶幢乾闥婆王妙音清淨乾闥婆王
徧至衆會乾闥婆王普現諸方乾闥
婆王受樂大乘乾闥婆王轉不退輪
乾闥婆王如是等乾闥婆王諸根清
淨乾闥婆王而爲上首皆於大乘深
生愛敬利樂衆生恒無懈倦各與若
千百千眷屬俱

復有千億阿修羅王羅睺羅阿修羅
王毗摩質多羅阿修羅王出現威德
阿修羅王大堅固力阿修羅王美妙
音聲阿修羅王光明徧照阿修羅王
闍戰恒勝阿修羅王善巧幻化阿修
羅王如是等阿修羅王廣大妙辯阿
修羅王而爲上首善能修習離諸我
慢受持大乘尊重三寶各與若干百
千眷屬俱

本經地持卷第一

第七

復有五億迦樓羅王寶勝迦樓羅王
金剛淨光迦樓羅王速疾如風迦樓
羅王虛空淨慧迦樓羅王妙身廣大
迦樓羅王心不退轉迦樓羅王廣目
清淨迦樓羅王大腹飽滿迦樓羅王
有大威德迦樓羅王智慧光明迦樓
羅王如是等迦樓羅王如忘寶光迦樓
羅王而為上首悉皆成就不起法忍善
惟饒益一切衆生各與若干百千眷
屬俱

復有九億緊那羅王動地緊那羅王
妙寶華幢緊那羅王寶樹光明緊那
羅王善法光明緊那羅王最勝莊嚴
緊那羅王大法光明緊那羅王受持
妙法緊那羅王妙寶嚴飾緊那羅王
成就妙觀緊那羅王如是等緊那羅
王悅意樂聲緊那羅王而為上首皆
悉具於清淨妙慧 心快樂自在遊
戲各與若干百千眷屬俱

復有九萬八千摩睺羅伽王妙勝摩
睺羅伽王具大威德摩睺羅伽王莊
嚴寶勝摩睺羅伽王淨眼微妙摩睺
羅伽王光明寶勝摩睺羅伽王即子

本地之經卷

第八卷

寶勝摩睺羅伽王如山不動摩睺羅

伽王可受光明摩睺羅伽王如是等
摩睺羅伽王遊戲神通摩睺羅伽王
而為上首已能修習善巧方便令諸
衆生永離憂惱各與若干百千眷屬俱

復有佉方萬億國土轉輪聖王金輪
轉輪聖王銀輪轉輪聖王銅輪轉輪
聖王鐵輪轉輪聖王及與七寶千子
眷屬莊嚴無量象馬車乘無數寶幢
懸大寶幡華鬘寶蓋繒綵白拂種種
珍奇妙寶瓔珞塗香末香和合萬種
微妙殊香各執無價衆寶香鑪燒大
寶香供養世尊以妙言詞稱讚如來

甚深智海而白佛言世尊我今不求
三界有漏人天果報唯求出世阿耨
多羅三藐三菩提所以者何三界之
中人天福樂雖尊位先世福盡還
生惡趣受無量苦誰有智者樂世間
樂作是語已一心合掌各與若干百
千眷屬俱

復有十六諸大國王迦毗羅國淨飯大
王摩伽陀國頻婆娑羅王波羅捺國
迦斯大王有千陀國于闐大王婆羅

國主迦毗羅王如是等十六大王及
諸小王舍衛國主波斯匿王名曰月
光而為上首悉皆具足福智神通有
大威德如轉輪王一切怨敵自然降
伏人民咸感國土豐樂無量佛所種
諸善根常為諸佛之所護念莊嚴劫
中千佛出現如是諸王常為施主賢
劫之中千佛出現如是諸王亦為施
主於心來世星宿劫中千佛出現當
為施主乃至未來一切諸佛出現世
間如是諸王以本願力常行檀施饒
益有情隨宜善入諸方便門雖作國
王不貪世樂欣離生死修解脫因勤
求佛道受樂大乘化利群生不著諸
相紹三寶種使不斷絕為聽法故供
養如來廣修珍膳嚴持香華來至佛
所各與一萬二萬乃至十萬諸眷屬俱
復有十六大國王夫人率提希夫人
妙勝提夫人甚可愛樂夫人三界無
比夫人福報光明夫人如意寶光夫
人末利夫人妙德夫人如是等夫人
殊勝妙顏夫人而為上首已能善入
無量正定為度衆生示現女身以三

本地之經卷

第九卷

本地之經卷

第十卷

解脫修習其心有大智慧福德圓滿
無尋大慈無礙大悲憐愍眾生猶如
赤子以本願力得值世尊為欲聽法
來詣佛所瞻仰尊顏目不暫捨以無
量種人中上供奉獻世尊及以無數
妙寶瓔珞供養如來各與若干千百
眷屬俱

復有百千無央數人比丘比丘尼優
婆塞優婆夷諸婆羅門刹帝利薜舍
式達羅及諸國界長者居士一切人
民是諸大眾發清淨信起殷重心宿
種善根生值佛法為求出世起難遭
想來詣佛所一心合掌各與若干百
千眷屬俱

復有無數諸外道眾苦行外道多聞
外道世智外道樂遠離外道路伽邪
陀外道路伽邪治迦你外道而為上
首成就五通飛行自在發希有心為
聽法故來詣佛所各與若干千百千
眷屬俱

復有無量無數非人餓鬼所謂無財鬼
食人吐鬼惱眾鬼生鬼食洩唾鬼食不
飽鬼毗舍闍鬼臭極鬼臭食糞穢鬼

大智度論卷第一

第十卷

四

食人胎鬼食生子鬼食不淨鬼生吉
祥鬼如是諸鬼毗舍闍伽大鬼神王
而為上首捨離毒心歸佛法僧悉皆
衛護如來正法為聽法故來詣佛所
五體投地渴仰世尊各與若干千百
眷屬俱

復有無量無數禽獸諸王命命鳥王
鸚鵡鳥王及師子王象王鹿王如是
一切諸禽獸王金毘師子王而為上
首悉皆歸命如來大師為欲聽法來
詣佛所各隨願力供養世尊而白佛
言惟願如來哀受我等微少供養永
離三塗惡業種子得受人天福樂果
報開闢大乘甘露法門速斷愚癡當
得解脫時諸鳥王作是語已一心合
掌瞻仰如來各與若干千百眷屬俱
復有百千瓊魔羅王與無央數諸大
羅刹種種形類及諸惡王幽冥官屬
校計罪福獄吏刑司承佛威力捨離
惡心與瓊魔羅王同來聽法而白佛
言一切眾生以愚癡故貪五欲樂造
五逆罪入諸地獄輪轉無窮自業所
因受大苦惱如世蓋滿自為榮耀唯

大智度論卷第一

第十卷

五

願如來雨大法雨滅地獄火施清涼
風開解脫門開三惡趣時破魔羅王
作是語已種種珍寶供養如來一心
恭敬遠百千由與若干千百眷屬俱
各禮佛足退坐一面

今時世尊坐寶蓮華師子座上其師
子座色紺琉璃種種珍奇間錯嚴飾
頗梨寶珠以為其莖紫磨黃金作蓮
華葉其蓮華臺以摩尼寶而為華璫
八萬四千閻浮檀金大寶蓮華而為
眷屬為諸大眾前後圍遶供養恭敬
尊重讚歎時薄伽梵於師子座結跏
趺坐威儀殊特猶如四寶蘇迷盧山
處于大海自然迴出如百千日照曜
虛空放無量光破諸昏暗示如俱胝
圓滿月輪獨處眾星放清涼光明朗
世界是時如來入有頂天極善三昧名
心瓔珞寶莊嚴王住此定已身心不動
時無色界一切天子雨無量種種微妙華
香於虛空中如雲而下色界諸天十八
梵王雨眾雜色無數天華百千萬種
梵天妙香徧滿虛空如雲而下六欲
諸天及天子眾以天福力雨種種華

大智度論卷第一

第十卷

五

羅林中國寂寶塔如是八塔大聖化
儀人天有情所歸依處供養恭敬為
成佛因如是音聲及諸塔影而於三
世難思議事悉皆影現大光明中又
十方界三世諸佛及大菩薩道場眾
會神通變化希有之事及諸如來所
說妙法皆如響應於此金色大光明
中無不見聞一切眾生遇此光明見
彼瑞相皆發無等等阿耨多羅三藐
三菩提心時諸大衆觀佛神力不可
思議歎未曾有各相謂言如來今日
入於三昧放大光明照十方界得見
如來往昔所有難思議事調伏惡世
邪見眾生令生正解趣向菩提希有
如來能為一切世間之父無量劫中
難可得見我等累劫修諸行願得遇
三界人天大師唯願慈尊哀愍世間
從定而起說甚深法示教利喜一切
眾生作是語已瞻仰尊顏嘿然而住
今時會中有一菩薩名師子吼三僧
企邪修行福智於賢劫中次補佛處
受灌頂位作大法王四向觀視海會
大衆發大音聲而作是言我於往昔

法華經疏卷一

第七疏

本二地經卷一

第七疏

無量劫中已發阿耨多羅三藐三菩
提心歷事恒沙一切諸佛曾於第一
衆會道場見不思議神通變化未嘗
觀此金色光明影現一切菩薩行願
及現如來種種相象令見三世難思
議事唯願仁者一心合掌瞻仰尊顏
從定而起授甘露藥除熱惱病令證
法身常樂我淨是諸如來有二種法
於三昧中不復久住一者大慈二者
大悲依大慈故與眾生樂依大悲故
拔眾生苦以是二法於無數劫熏修
其心而成正覺世間眾生多諸苦惱
以是因緣如來不久從三昧起當為
演說心地觀門大乘妙法告諸大衆
無求一切人天福樂速求出世阿耨
多羅三藐三菩提所以者何今日世
尊從眉臆中放金色光所照之處皆
如金色佛所顯示意趣甚深一切世
間聲聞緣覺盡思度量所不能知改
等凡夫不觀自心是故漂流生死海
中諸佛菩薩能觀心故度生死海到
於彼岸三世如來法皆是放此光
明非無因緣是諸衆會聞大士言心

懷踊躍得未曾有今時師子吼菩薩
摩訶薩欲重宣此義而說偈言
敬禮天人大覺尊恒沙福智皆圓滿
金光百福莊嚴相發起眾生愛樂心
超過三界獨居尊功德最勝無倫匹
普用神通自在力隨所造業現其前
我以天眼觀世間一切無有如佛者
希有金容如滿月希有過於優曇華
無邊福智利群生大光普照如千日
愚癡衆生長夜苦蒙光所照悉皆除
我觀如來昔所行親近供養無數佛
經歷僧祇無量劫為衆生故趣菩提
常於生死苦海中作大船師濟羣品
演說甘露真淨法令人無為解脫門
三僧祇劫度衆生勤修八萬波羅蜜
因圓果滿成正覺住壽熾然無去來
一一相好周法界十方諸佛相皆然
甚深境界難思議一切人天莫能測
諸佛體用無差別如千燈照互增明
智慧如空無有邊應物現形如水月
無邊法界常寂然如如不動等虛空
如來清淨妙法身自然具足恒沙德
周徧法界無窮盡不生不滅無去來

法華經疏卷一

第十九疏

法王常住妙法營 法身光明靡不照
如來法性無量礙 隨緣普應利羣生
衆生各見在其前 爲我宣說甘露法
隨心能滅諸煩惱 入天衆苦悉皆除
破有法王甚奇特 光明照耀如金山
爲度衆生出世間 能然法炬破昏暗
衆生沒在生死海 輪迴五趣無出期
善逝恒爲妙法船 能截愛流超彼岸
大智方便不可量 恒與衆生無盡樂
能爲世間大慈父 憐愍一切諸有情
如來出世甚難值 無數億劫時一現
譬如優曇妙瑞華 一切人天所希有
於無量劫時一現 觀佛出世亦同然
是諸衆生無福慧 恒處沈淪生死海
億劫不見諸如來 隨諸惡業恒受苦
我等無數百千劫 修四無量三解脱
今見大聖牟尼尊 猶如盲龜值浮木
願於來世恒沙劫 念念不捨天人師
如影隨形不暫離 晝夜勤修於種智
唯願世尊哀愍我 常令得見大慈尊
三業無倦常奉持 願與衆生成正覺
今者三界大導師 座上跏趺入三昧
獨處寂然空寂舍 身心不動如須彌

平定地經卷第一

第十卷

五

世間一切梵天魔 莫能驚覺如來定
此界他方凡聖衆 念知調御住於禪
廣設無邊微妙供 奉獻能仁最勝德
六欲諸天來供養 天華亂墜徧虛空
十善報應無價香 變化香雲百寶色
徧覆人天無量衆 雨雜妙寶獻如來
香氣氤氳三寶前 百千伎樂臨空界
不鼓自鳴成妙曲 供養人中兩足尊
十八梵衆雨天華 及雨華寶千萬種
梵摩尼珠妙瓔珞 泉寶嚴飾天妙衣
大寶華幢懸勝幡 持以供養牟尼尊
無色界天雨寶華 其華廣大如車輪
雨微細香滿世界 供養三昧難思議
龍王脩羅人非人 奉獻所感珍妙寶
各以供養天中天 樂聞最勝菩提道
時薄伽梵大醫王 普治世間煩惱苦
師子頻伸三昧力 六種震動徧三千
以此覺悟諸有緣 於此無緣了不覺
隨彼人天應可度 見佛種種諸神通
瞻仰月面牟尼尊 以淨三業皆雲集
如來能以無緣慈 饒益衆生成勝德
智應放此大光明 名諸菩薩不退轉
如劫盡時七日現 滅然照曜放千光

平定地經卷第一

第十卷

五

世間所有諸光明 不及一佛毛孔光
無量無礙大神光 徧照十方諸佛刹
如來福智皆圓滿 所放神光亦無比
其光赫奕如金色 徧照十方諸國土
大聖金光影現中 衆見世間諸色像
三千大千諸世界 所有一切諸山王
四寶所成妙高山 雲山香山七金山
目真隣陀彌樓山 大鐵圍山小山等
大海沔河及浴池 無數百億四大洲
日月星辰衆寶宮 天宮龍宮諸神宮
國邑王宮諸衆落 如是光中悉顯現
又現如來往昔因 積功累德求佛道
如來昔在尸毗國 曾屈尊位作人王
國界珍寶皆充盈 常以正法化於世
慈悲喜捨恒無倦 能捨難捨起善機
割身救鴿嘗無悔 深心悲愍救衆生
時佛往昔在凡夫 入於雪山求佛道
攝心勇猛勤精進 爲求半偈捨全身
以求正法因緣故 十二劫超生死苦
昔爲摩納仙人時 布裘供養然燈佛
以是精進因緣故 八劫超於生死海
昔爲薩埵王子時 捨所受身投餓虎
自利利他因緣故 十一劫超生死因

平定地經卷第一

第十卷

五

流水長者大醫王 平等救護衆生故
濟魚各得生天上 天雨瓔珞來報恩
七日翹足讚如來 以精進故超九劫
昔爲六牙白象王 其牙殊妙無能比
捨身命故投獵者 求佛無上大菩提
或作圓滿福智王 施眼精進求佛道
又作金色大鹿王 捨身精進求佛道
爲迦尸國慈力王 全身施與五夜叉
又作大國莊嚴王 以妻子施無惜
或爲最上善菩薩 願目隨願施衆生
如是菩薩行慈悲 皆願求證菩提道
佛昔曾作轉輪王 四洲珍寶皆充滿
具足千子諸眷屬 十善化人百千劫
國土安隱如天宮 受五欲樂無窮盡
時彼輪王覺自身 及以世間不牢固
無想諸天八萬歲 福盡還歸諸惡道
猶如夢幻與泡影 亦如朝露及電光
了達三界如火宅 八苦充滿難可出
未得解脫超彼岸 誰有智者樂輪迴
唯有出世如來身 不生不滅常安樂
如是難行菩薩行 一切悉現金光內
又此光中現八塔 皆是衆生良福田
淨飯王宮生應塔 菩提樹下成佛塔

本經地持卷第一

四八七

鹿野園中法輪塔 給孤獨園名輪塔
曲女城邊寶塔 耆闍崛山般若塔
菴羅衛林維摩塔 娑羅林中國寂塔
如是世尊八寶塔 諸天龍神常供養
金剛密跡四天王 晝夜護持恒不離
若造八塔而供養 現身福壽自延長
增長智慧衆所尊 世出世願皆圓滿
若人禮拜及心念 如是八塔不思議
二人獲福等無差 速證無上菩提道
如是三世利益事 於此光中無不見
十方佛土諸菩薩 神通遊戲衆靈仙
萬億國土轉輪王 尋此光明普雲集
各以神力來供養 雨如意寶奉慈尊
諸天伎樂百千種 不鼓自然出妙音
天華亂墜滿虛空 衆香普熏於大會
寶幢無數諸瓔珞 持以供養人中尊
微妙伽陀讚如來 善哉能入於三昧
現不思議大神力 調伏難化諸有情
今住堅固不退心 我於佛所深隨喜
唯願世尊從定起 爲諸衆生轉法輪
永斷一切諸煩惱 今住無住大涅槃
如我等類心清淨 從萬億國來聽法
以三昧力常諦觀 於我微供哀納受

本經地持卷第一

四八七

能施所施及施物 於三世中無所得
我等安住最勝心 供養一切十方佛
世世親近大悲主 恒常奉事大慈尊
以無所得妙善報 圓融法界趣真覺
過去如來入寂定 現大神通轉法輪
今佛世尊亦復然 入定放光同彼佛
是故惟付釋師子 決定欲說心地門
若欲遠離生死因 必獲三世真常果
諸人合掌一心待 當入如來安樂宮

大乘本生心地觀經卷第一

丙午歲高麗國大藏都監奉
勅雕造

本經地持卷第一 四八七

◇高麗大藏經◇

四八八

大乘本生心地觀經卷第二

三

大唐罽賓國三藏法師玄奘譯

報恩品第二之二

今時世尊從三昧安詳而起告彌勒菩薩摩訶薩言善哉善哉汝等諸善男子為欲親近世間之父為欲聽聞出世之法為欲思惟如如之理為欲修習如如之智來詣佛所供養恭敬我今演說心地妙法引導眾生令入佛智如是妙法諸佛如來過無量劫時乃說之如來世尊出興於世甚難值遇如優曇華假使如來出現於世說此妙法亦復為難所以者何一切眾生遠離大乘菩薩行願趣向聲聞緣覺菩提厭離生死永入涅槃不樂大乘常樂妙果然諸如來轉於法輪遠離四失說相應法一無非處二無非時三無非器四無非法應病與藥今得復除即是如來不共之德聲聞緣覺未得自在諸菩薩眾不共之境以是因緣難見難聞菩提正道心地法門若有善男子善女人聞是妙法一經於耳須臾之頃攝念觀心

熏成無上六菩提種不久當坐菩提樹王金剛寶座得成阿耨多羅三藐三菩提

今時王舍大城有五百長者其名曰妙德長者勇猛長者善法長者念佛長者妙智長者菩提長者妙辯長者法眼長者光明長者滿願長者如是等大富長者成就正見供養如來及諸聖眾如是諸長者聞是世尊讚歎大乘心地法門而作是念我見如來放金色光影現菩薩難行苦行我不愛樂行苦行心誰能永劫住於生死而為眾主受諸苦惱作是念已即從座起偏袒右肩右膝著地合掌恭敬異口同音前白佛言世尊我等不樂大乘諸菩薩行亦不喜聞苦行音聲所以者何一切菩薩所修行願皆悉不是知恩報恩何以故遠離父母趣於出家以自妻子施於所欲頭目髓腦隨其願求悉皆布施受諸逼惱三僧祇劫具修諸度八萬四千波羅蜜行越生死流方至菩提大安樂處不如趣向二乘道果三生百劫修集資糧

斷生死因證涅槃果遠至安樂方名報恩

今時佛告五百長者善哉善哉汝等聞於讚歎大乘心生退轉發起妙義利益安樂未來世中不知恩德一切眾生諦聽諦聽善思念之我今為汝分別演說世出世間有恩之處善男子汝等所言未可正理何以故世出世恩有其四種一父母恩二眾生恩三國王恩四三寶恩如是四恩一切眾生平等荷負善男子父母恩者父有慈恩母有悲恩母悲恩者若我住世於一劫中說不能盡我今為汝宣說少分假使有人為福德故恭敬供養一百淨行大婆羅門一百五通諸大神仙一百善友安置七寶上妙堂內以百千種上妙珍膳垂諸瓔珞眾寶衣服敷檀沈香立諸房舍百寶莊嚴林臥敷具療治眾病百種湯藥一心供養滿百千劫不如一念住孝順心以微少物色養悲母隨所供侍比前功德百千萬分不可校量世間悲母念子無比恩及未形始自受胎終於十月行

住坐臥受諸苦惱非口所宣雖得欲樂飲食衣服而不生憂念之心恒無休息但自思惟將欲生產漸受諸苦晝夜愁惱若產難時如百千刁競來屠割或致無常若無苦惱諸親眷屬喜樂無盡猶如貧女得如意珠其子發聲如聞音樂以母胃臆而為寢處左右膝上常為遊履於臂臆中出甘露泉長養之恩彌於普天憐慈之德廣大無比世間所高莫過山岳悲母之恩逾於須彌世間之重大地為先悲母之恩亦過於彼若有男女背恩不順令其父母生怨念心母發惡言子即隨墮或在地獄餓鬼畜生世間之疾莫過猛風怨念之徵復速於彼一切如來金剛天等及五通仙不能救護若善男子善女人依悲母教承順無違諸天護念福樂無盡如是男女即名尊貴天人種類或是菩薩為度衆生現為男女饒益父母若善男子善女人為報母恩經於一劫每日三時刻自身肉以養父母而未報一日之恩所以者何一切男女處

亦生心地觀經卷第二

諸品

區

于胎中口吮乳根飲吸母血及出胎已幼稚之前所飲母乳百八十斛母得上味先與其子珍妙衣服亦復如是愚癡鄙陋情愛無二昔有女人遠遊他國抱所生子渡海如河其水暴漲力不能前愛念不捨母子俱沒以是慈心善根力故即得上生色究竟天作大梵王以是因緣母有十德一名大地於母胎中為所依故二名能生經歷衆苦而能生故三名能正恒以母手理五根故四名養育隨四時宜能長養故五名智者能以方便生智慧故六名莊嚴以妙璣珞而嚴飾故七名安隱以母懷抱為止息故八名教授善巧方便導引子故九名教誡以善言辭離衆惡故十名興業能以家業付囑子故善男子於諸世間何者最富何者最貧悲母在堂名之為富悲母不在名之為貧悲母在時名為日中悲母死時名為日沒悲母在時名為月明悲母亡時名為闇夜是故汝等勤加修習孝養父母若人供佛福等無異應當如是報父母恩

亦生心地觀經卷第二

諸品

亦生心地觀經卷第二

諸品

善男子衆生思者即無始來一切衆生輪轉五道經百千劫於多生中互為父母以至為父母故一切男子即是慈父一切女人即是悲母昔生中有大惡故猶如現在父母之恩等無差別如是昔恩猶未能報或因妄業生諸違順以執著故反為其怨何以故無明覆障宿住智明不了前生曾為父母所可報恩互為饒益無饒益者名為不孝以是因緣諸衆生類於一切時亦有大恩實為難報如是之事名衆生恩國王恩者福德最勝雖生人間得自在故三十三天諸天子等恒與其力常護持故於其國界山河大地盡大海際屬于國王一人福德勝過一切衆生福故是大聖王以正法化能使衆生悉皆安樂譬如世間一切堂殿柱為根本人民豐樂王為根本依王有故亦如梵王能生萬物聖王能生治國之法利衆生故如日天子能照世間聖王亦能觀察天下人安樂故三失正治人無所依若以正化八大恐怖不入其國所謂

佗國侵逼自界報逆惡鬼疾病國土飢饉非時風雨過時風雨日月薄蝕星宿變怪人王正化利益人民如是八難不能侵故譬如長者唯有一子愛念無比憐愍饒益常與安樂晝夜不捨國大聖王亦復如是等示群生如同子擁護之心晝夜無捨如是人王令修十善名福德主若不令修名非福主所以者何若王國內一人修善其所作福皆為七分造善之人得其五分於彼國王常獲二分善因王修同福利故造十惡業亦復如是同其事故一切國內田地園林所生之物皆為七分亦復如是若有人王成就正見如法化世名為天主以天善法化世間故諸天善神及護世王常來加護守王宮故雖處人間修行天業賞罰之心無偏黨故一切聖王法皆如是如是聖主名正法王以是因緣成就十德一名能照以智慧眼照世間故二名莊嚴以大福智莊嚴國故三名與樂以大安樂與人民故四名伏怨一切怨敵自然伏故五名

離怖能令八難離怖故六名任賢集諸賢人評國事故七名法本萬姓安住依國王故八名持世以天王法持世間故九名業主善惡諸業屬國王故十名人主一切人民王為主故一切國王以先世福成就如是十種勝德大梵天王及忉利天常助人王受勝妙樂諸羅刹王及諸神等華不現身將來衛護王及眷屬王見人民造諸不善不能制止諸天神等悉皆遠離若見修善歡喜讚歎盡皆唱言我之聖王龍天喜悅甘露雨五穀成熟人民豐樂若不親近諸惡人等普利世間咸從正化如意寶珠必現王國於王隣國咸來歸服人與非人無不稱歎若有惡人於王國內而生逆心於須臾頃如是之人福自衰滅命終當墮地獄之中經歷畜生備受諸苦所以者何由於聖王不知恩故起諸惡逆得如是報若有人人民能行善心敬輔仁王尊重如佛是人現世安隱豐樂有所願求無不稱心所以者何一切國王於過去時曾入如來

清淨禁戒常為人王安隱快樂以是因緣違順果報皆如響應聖王恩德廣大如是善男子三寶恩者名不思議利樂衆生無有休息是諸佛身真善無漏無數大劫修因所證三有業果未盡無餘功德寶山巍巍無比一切有情所不能知福德甚深猶如大海智慧無礙等於虛空神通變化充滿世間光明遍照十方三世一切衆生煩惱業障都不覺知沈淪苦海生死無窮三寶出世作大和師能截愛流超昇彼岸諸有智者悉皆瞻仰善男子等唯一佛寶具三種身一自性身二受用身三變化身第一佛身有大斷德二空所顯一切諸佛悉皆平等第二佛身有大智德真常無漏一切諸佛悉皆同意第三佛身有大恩德定通變現一切諸佛悉皆同事善男子其自性身無始無終離一切相絕諸戲論周圓無際然常住其受用身有二種相一自受用二化受用自受用身三僧祇劫所修萬行利益安樂諸衆生已十地滿心運身直往色

究竟天出過三界淨妙國土坐無數
量大寶蓮華而不可說海會菩薩前
後圓達以無垢縹繫於頂上供養恭
敬尊重讚歎如是名為後報利益今
時菩薩入金剛定斷除一切微細所
知諸煩惱障證得阿耨多羅三藐三
菩提如是妙果名現報利益是真報身
有始無終壽命劫數無有限量初成
正覺窮未來際諸根相好徧周法界
四智圓滿是真報身受用法樂一大
圓鏡智轉異熟識得此智慧如大圓
鏡現諸色像如是如來鏡智之中能
現衆生諸善惡業以是因緣此智名
爲大圓鏡智依大悲故恒緣衆生依
大智故常如法性雙觀真俗無有間
斷常能執持無漏根身一切功德爲
所依止二平等性智轉我見識得此
智慧是以能證自他平等二無我性
如是名為平等性智三妙觀察智轉
分別識得此智慧能觀諸法自相共
相於衆會前說諸妙法能令衆生得
不退轉以是名為妙觀察智四成所
作智轉五種識得此智慧能現一切種

中法華經卷第二 第十疏 五

種化身令諸衆生成熟善業以是因
緣名爲成所作智如是四智而爲上
首具足八萬四千智門如是一切諸
功德法名爲如來自受用身諸善男
子二者如來作受用身具足八萬四
千相好居真淨土說一乘法令諸菩
薩受用大乘微妙法樂一切如來爲
化十地諸菩薩衆現於十種作受用
身第一佛身坐百葉蓮華爲初地菩
薩說百法明門菩薩悟已起大神通
變化滿於百佛世界利益安樂無數
衆生第二佛身坐千葉蓮華爲二地
菩薩說千法明門菩薩悟已起大神
通變化滿於千佛世界利益安樂無
量衆生第三佛身坐萬葉蓮華爲三
地菩薩說萬法明門菩薩悟已起大
神通變化滿於萬佛世界利益安樂
無數衆生如是如來漸漸增長乃至
十地作受用身坐不可說妙寶蓮華
爲十地菩薩說不可說諸法明門菩
薩悟已起大神通變化滿於不可說
佛微妙國土利益安樂不可宣說不
可宣說無量無邊種類衆生如是十

中法華經卷第二 第十疏 五

身皆坐七寶菩提樹王證得阿耨多
羅三藐三菩提諸善男子一一華葉
各各爲一三千世界各有百億妙高
山王及四大洲日月星辰三界諸天
無不具足一一葉上諸瞻部洲有金
剛座菩提樹王其百千萬至不可說
大小化佛各於樹下破魔軍已一時
證得阿耨多羅三藐三菩提如是十
小諸化佛身各各具足三十二相八
十種好爲諸資糧及四善根諸菩薩
等二乘凡夫隨宜爲說三乘妙法爲
諸菩薩說應六波羅蜜令得阿耨多
羅三藐三菩提究竟佛慧爲求辟支
佛者說應十二因緣法爲求聲聞者
說應四諦法度生老病死究竟涅槃
爲餘衆生說人天教令得人天安樂
妙果諸如是等大小化佛皆悉名爲
佛變化身善男子如是二種應化身
佛雖現滅度而此佛身相續常住諸
善男子如一佛寶有如是等無量無
邊不可思議利樂衆生廣大恩德以
是因緣名爲如來應正徧知明行圓
滿善逝世間解無上士調御丈夫天

中法華經卷第二 第十疏 五

人師佛世尊善男子一佛實中具足六種微妙功德一者無上大功德田二者無上有大恩德三者無足二足及以多足衆生中尊四者極難值遇如優曇華五者獨一出現三千大千世界六者世出世間功德圓滿一切義依具如是等六種功德常能利樂一切衆生是名佛實不思議思

亦時五百長者自佛言世尊如佛所說一佛實中無量化佛充滿世界利樂衆生以何因緣世間衆生多不見佛受諸苦惱佛告五百長者譬如日光天子放百千光照明世界而有盲者不見光明汝善男子於意云何日光天子而有過否時長者言不也世尊佛言善男子諸佛如來常演正法利樂有情是諸衆生常造惡業都不覺知無慚愧心於佛法僧不樂親近如是衆生罪根深重無量劫不得見聞三寶名字如彼盲者不親日光若有衆生恭敬如來愛樂大乘尊重三寶當知是人業障銷除福智增長成就善根速得見佛永離生死當證菩

提諸善男子如一佛實有無量佛如來所說法寶亦然一法寶中有無量義善男子於法寶中有其四種一者教法二者理法三者行法四者果法一切無漏能破無明煩惱業障聲名句文名為教法有無諸法名為理法戒定慧行名為行法為無為果名為果法如是四種名為法寶引導衆生出生死海到於彼岸善男子諸佛所師即是法寶所以者何三世諸佛依法修行斷一切障得成菩提盡未來際利益衆生以是因緣三世如來常能供養諸波羅蜜微妙法寶何況三界一切衆生未得解脫而不能敬微妙法寶善男子我昔曾為求法人王入大火坑而求正法永斷生死得大菩提是故法寶能破一切生死牢獄猶如金剛能壞萬物法寶能照癡闇衆生如日天子能照世界法寶能救貧乏衆生如摩尼珠而衆寶故法寶能與衆生喜樂猶如天鼓樂諸天故法寶能為諸天寶階聽聞正法得生天故法寶能為堅牢大船渡生死海到彼

岸故法寶猶如轉輪聖王能除三毒煩惱賊故法寶能為珍妙衣服覆蓋無慚諸衆生故法寶猶如金剛甲冑能破四魔證菩提故法寶猶如智慧利劍割斷生死離繫縛故法寶正是三乘寶車運載衆生出火宅故法寶猶如一切明燈能照三塗黑闇處故法寶猶如弓箭矛稍能鎮國界摧怨敵故法寶猶如險路導師善誘衆生達寶所故善男子三世如來所說妙法有如是等難思議事是名法寶不思議思善男子世出世間有三種僧一菩薩僧二聲聞僧三凡夫僧文殊師利及彌勒等是菩薩僧如舍利弗目犍連等是聲聞僧若有成就別解脫戒具善凡夫乃至具足一切正見能廣為他演說開示衆聖道法利樂衆生名凡夫僧雖未能得無漏戒定及慧解脫而供養者獲無量福如是三種名真福田僧復有一類名福田僧於佛舍利及佛形像并諸法僧聖所制戒深生敬信自無邪見令佗亦然能宣正法讚歎一乘深信因果常發善願隨

其過犯悔除業障當知是人信三寶力勝諸外道百千萬倍亦勝四種轉輪聖王何況餘類一切衆生如蠶金華雖然萎悴猶勝一切諸雜類華正見比丘亦復如是勝餘衆生百千萬倍雖毀禁戒不壞正見以是因緣名福田僧若善男子善女人等供養如是福田僧者所得福德無有窮盡供養前三真實僧寶所獲功德正等無異如是四類聖凡僧寶利樂有情恒無憂捨是名僧寶不思議恩今時五百長者白佛言世尊我等今日聞佛法音得悟三寶利益世間然今不知以何義故說佛法僧得名爲寶願佛解說顯示衆會及未來世敬信三寶一切有情永斷疑網得不壞信令入三寶不思議海

今時佛告諸長者言善哉善哉汝等男子能問如來甚深妙法於未來世利益安樂一切衆生譬如世間第一珍寶具足十義莊嚴國界饒益有情佛法僧寶亦復如是一者堅牢如摩尼寶無人能破佛法僧寶亦復如是

本心經卷第二 第十六

四

外道天魔不能破故二者無垢世間勝寶清淨光潔不雜塵穢佛法僧寶亦復如是悉能遠離煩惱塵垢三者與樂如天德瓶能與安樂佛法僧寶亦復如是能與衆生世出世樂四者難遇如吉祥寶希有難得佛法僧寶亦復如是業障有情憶劫難遇五者能破如如意寶能破貧窮佛法僧寶亦復如是能破世間諸貧苦故六者威德如轉輪王所有輪寶能伏諸怨佛法僧寶亦復如是具六神通降伏四魔七者滿願如摩尼珠隨心所欲能雨衆寶佛法僧寶亦復如是能滿衆生所修善願八者莊嚴如世珍寶莊嚴王宮佛法僧寶亦復如是莊嚴法王菩提寶宮九者最妙如天妙寶最爲微妙佛法僧寶亦復如是超諸世間最勝妙寶十者不變譬如真金入火不變佛法僧寶亦復如是世間八風不能顛動佛法僧寶具足無量神通變化利樂有情雙無休息以是義故諸佛法僧說名爲寶善男子我爲汝等略說四種世出世間有思之趣汝等

本心經卷第二

第十七

本心經卷第二

第十八

當知修菩薩行應報如是四種之恩今時五百長者白佛言世尊如是四恩甚爲難報當修何行而報是恩佛告諸長者言善男子爲求菩提有其三種十波羅蜜一者十種布施波羅蜜多二者十種親近波羅蜜多三者十種真實波羅蜜多若有善男子善女人發阿耨多羅三藐三菩提心能以七寶滿於三千大千世界布施無量貧窮衆生如是布施但名布施波羅蜜多不名真實波羅蜜多若有善男子善女人發大悲心爲求無上正等菩提以自妻子施與佗人心無惜身肉手足頭目髓腦乃至身命施來求者如是布施但名親近波羅蜜多未名真實波羅蜜多若善男子善女人發起無上大菩提心住無所得勸諸衆生同發此心以真實法一四句偈施一衆生使向無上正等菩提是名真實波羅蜜多前二布施未名報恩若善男子善女人能修如是第三真實波羅蜜多乃名真實能報四恩所以者何前二布施有所得心第

◇高麗大藏經◇

四九四

三施者無所得心以真實法施一有情令發無上大菩提心是人當得證菩提時廣度衆生無有窮盡迴三寶種使不斷絕以是因緣名爲報恩

今時五百長者從佛聞是昔所未聞報恩之法心懷踊躍得未曾有發心求趣無上菩提得忍辱三昧入不思議智永不退轉

今時會中八萬四千衆生發菩提心得堅固信及此三昧海會大衆悉得金剛忍辱三昧悟無生忍及柔順忍或證初地得不起忍無量衆生發菩提心住不退位

今時佛告五百長者未來世中一切衆生若有得聞此心地觀報四恩品受持讀習解說書寫廣令流布如是人等福智增長諸天衛護現身無疾壽命延長若命終時即得往生彌勒內宮親白毫相起越生死龍華三會當得解脫十方淨土隨意往生見佛聞法入正定聚速成阿耨多羅三藐三菩提如來智慧

大乘本生心地觀經卷第二
丙午歲高麗國大藏部監奉

勅雕造

法苑珠林卷第二 第六篇

大乘本生心地觀經卷第三
大勝法王聖王聖王報盡作梵天王見佛聞法速證妙果汝大長者及餘衆等爲於法故來至我所如是經過八十由旬大地微塵一一塵數能成人天輪王果報既聞法已當來證得阿耨多羅三藐三菩提我雖先說甚深四恩微妙義趣今復爲汝重宣此義而說偈言

報恩品第二之下

今時王舍大城東北八十由旬有一小國名增長福於彼國中有一長者名曰智光其年衰邁唯有一子其子惡性不順父母所有教誨皆不能從遙聞釋迦牟尼如來在王舍城耆闍崛山爲濁惡世無量衆生宣說大乘報恩之法父母及子并諸眷屬爲聽法故貴持供具來詣佛所供養恭敬而白佛言我有一子其性弊惡不受父母所有教誨今聞佛說報四恩思爲聽法故來詣佛所唯願世尊爲我等類及諸眷屬宣說四恩甚深妙義令彼惡子生孝順心此世當生令得安樂

天三欲天報盡作梵天王見佛聞法速證妙果汝大長者及餘衆等爲於法故來至我所如是經過八十由旬大地微塵一一塵數能成人天輪王果報既聞法已當來證得阿耨多羅三藐三菩提我雖先說甚深四恩微妙義趣今復爲汝重宣此義而說偈言
最勝法王大聖主 一切八天無等倫
具諸相好以嚴身 智海如空無有量
自他利行皆圓滿 名稱普聞諸國土
永斷煩惱餘習氣 善持密行護諸根
百四十種不共德 廣大福海悉圓滿
三昧神通皆具足 八自在宮常遊樂
十方人天及外道 無有能難調御師
金口能宣無礙辯 雖無能問而自說
如大海潮時不失 示如天鼓稱天心
如是自在唯佛有 非五通仙魔梵等
難思劫海修行願 證獲如是大神通
我入三昧大寂室 觀察諸根及藥病
自出禪定而讚歎 三世佛法心地門
時諸長者退大心 樂住二乘自利行
我聞大智方便教 引入三空解脫門
如來意趣莫能量 唯佛能知真秘密

法苑珠林卷第二 第六篇

利根聲聞及獨覺 勤求不退諸菩薩
十二劫數共度量 無有能知其少分
假使十方凡聖智 授與一人為智者
如是智者如竹林 不能測量其少分
世間凡夫無慧眼 迷於愚癡失妙果
五濁惡世諸眾生 不悟深恩恒背德
我為開示於四恩 令入正見菩提道
慈父慈母長養恩 一切男女皆安樂
慈父恩高如山王 慈母恩深如大海
若我住世於一劫 說慈母恩不能盡
我今略說於少分 猶如蚊蟲飲大海
假使有人為福德 供養淨行婆羅門
五通神仙自在者 大智師長及善友
安置七珍為堂殿 及以牛頭栴檀房
百寶卧具各敷陳 世間美味如甘露
療治萬病諸湯藥 咸滿金銀器物中
如是供養日三時 乃至數盈於百劫
不如一念申少分 供養慈母大恩田
福德無邊不可量 算分喻分皆無比
世間慈母孕其子 十月懷胎長受苦
於五欲樂情不著 隨時飲食亦同然
晝夜常懷悲愍心 行住坐臥受諸苦
若正誕其胎藏子 如攢鋒刃解肢節
迷惑東西不能辨 獨身疼痛無所堪

菩薩地持論卷第二 第三

或因此難而命殤 六親眷屬咸悲惱
如是眾苦皆由子 憂悲痛切非口宣
若得平復身安樂 如貧獲寶喜難量
顧視容顏無厭足 憐念之心不曾捨
母子恩情常若是 出入不離臂膝前
母乳猶如甘露泉 長養及時曾無竭
慈念之恩實難比 鞠育之德亦難量
世間大地稱為重 慈母恩重過於彼
世間須彌稱為高 慈母恩高過於彼
世間速疾唯猛風 母心一念過於彼
若有眾生行不孝 令母暫時起恨心
怨念之辭少分生 子乃墮言遭苦難
一切佛與金剛天 神仙秘法無能救
若有男女依母教 承順顏色不相違
一切災難盡消除 諸天擁護常安樂
若能承順於慈母 如是男女悉非凡
大悲菩薩化人間 示現報恩諸方便
若有男子及女人 為報母恩行孝養
割肉刺血常供給 如是數盈於一劫
種種勤修於孝道 猶未能報暫時恩
十月處於胎藏中 常銜乳根飲脂血
自為嬰孩及童子 所欲母乳百斛餘
飲食湯藥妙衣服 子先母後為常則

菩薩地持論卷第二 第三

子若愚癡人所惡 母亦悲憐不棄遺
昔有女人抱其子 渡於恒河水瀑流
以汎水故力難前 與子俱沒無能捨
為是慈念善根力 命終上生於梵天
長受梵天三昧樂 得遇如來受佛記
是故慈母有十德 隨應義利立其名
一名大地二能生 三能正者四養育
五與智者六莊嚴 七名安隱八救拔
九救誡者十興業 餘恩不過於母恩
何法世間最富有 何法世間最貧無
母在堂時為最富 母不在時為最貧
母在之時為日中 悲母亡時為日沒
母在之時皆圓滿 悲母亡時悉空虛
世間一切善男女 恩重父母如丘山
應當孝敬恒在心 知恩報恩是聖道
不惜身命奉甘旨 未曾一念虧色養
如其父母奄喪時 將欲報恩誠不及
佛昔修行為慈母 感得相好金色身
名聞廣大徧十方 一切人天咸稽首
人與非人皆恭敬 自緣往昔報慈恩
我昇三十三天宮 三月為母說真法
令母聽聞歸正道 悟無生忍常不退
如是皆為報慈恩 雖報恩深猶未足
神通第一目捷速 已斷三界諸煩惱

菩薩地持論卷第二 第三

以神通力觀慈母 見在受苦俄鬼中
目連自往報母恩 救免慈親所受苦
上生佗化諸天衆 共為遊樂處天宮
當知父母恩最深 諸佛聖賢咸報德
若人至心供養佛 復有精勤修孝養
如是二人福無異 三世受報亦無窮
世人為子造諸罪 墮在三塗長受苦
男女非聖無神通 不見輪迴難可報
哀哉世人無聖力 不能拔濟於慈母
以是因緣汝當知 勤修福利諸功德
以其男女追勝福 有大金光照地獄
光中演說深妙音 開悟父母令發意
憶昔所生常造罪 一念悔心悉除滅
口稱南無三世佛 得脫無暇苦難身
往生人天長受樂 見佛聞法當成佛
或生十方淨土中 七寶蓮華為父母
華開見佛悟無生 不退菩薩為同學
獲六神通自在力 得入菩提微妙宮
皆是菩薩為男女 乘大願力化人間
是名真報父母恩 汝等衆生共修學
有情輪迴生六道 猶如車輪無始終
或為父母為男女 世世生生互有恩
如見父母等無差 不證聖智無由識

法華經疏卷第三 第三

一切男子皆是父 一切女人皆是母
如何未報前世恩 卻生異念成怨嫉
常須報恩互饒益 不應打罵致怨嫌
若欲增修福智門 晝夜六時當發願
願我生生無量劫 得宿住智大神通
能知過去百千生 更相憶識為父母
循環六趣四生中 令我一念常至彼
為說妙法難苦因 使得人天長受樂
勸發堅固菩提願 修行菩薩六度門
永斷二種生死因 疾證涅槃無上道
十方一切諸國王 正法化人為聖主
國王福德為最勝 所作自在名為天
三十三天及餘天 恒將福力助王化
諸天擁護如一子 以是得稱天子名
世間以王為根本 一切人民為所依
猶如世間諸舍宅 柱為根本而成立
王以正法化人民 如大梵王生萬物
王行非法無政理 如琉璃王滅世間
王所容受野邪人 衆踴華池等無異
勿謂時逢濁惡世 當知善惡是王修
如日天子照世間 國王化世亦如是
日光夜分雖不照 能使有情得安樂
王以非法化於世 一切人民無所依
世間所有諸恐怖 依王福力不能生

法華經疏卷第三 第三

人民所成安隱樂 當知是王福所及
世間所有勝妙華 依王福力而開敷
世間所有妙園林 依王福力皆滋茂
世間所有諸藥草 依王福力差諸疾
世間百穀及苗稼 依王福力皆成實
世間人民受豐樂 依王福力常自然
譬如長者有一子 智慧端嚴世無比
父母恩愛如眼目 晝夜常生護念心
國大聖王亦如是 愛念衆生如一子
養育耆年孤獨 賞罰之心常不二
如是仁王為聖主 羣生敬仰等如來
仁王化治國無災 萬姓恭勸常安隱
國王無法化於世 疾病流行災有情
如是一切人非人 罪福昭然無所覆
善惡法中分七分 造者獲五王得二
園林田宅悉皆然 所稅等分亦如是
轉輪聖王出現時 分作六分王得一
時諸人民得五分 善惡業報亦皆然
若有人王修正見 如法化世名天主
以依法化世間 毗沙門王常擁護
及餘三天羅刹衆 皆當守護聖王宮
聖王出世理國時 饒益衆生成十德
一名能照於國界 二名莊嚴於國土

法華經疏卷第三 第三

三名能與諸安樂 四名能伏諸惡敵
五名能遮諸恐怖 六名能集諸聖賢
七名能作造化功 八名護持於世間
九名成就十勝德 梵王帝釋及諸天
夜叉羅刹鬼神王 隱身常來護國界
龍王歡喜降甘雨 五穀成熟萬姓安
國中處處生珍寶 人馬強力無怨敵
如意寶珠現王前 境外諸王自貢伏
若生不善於王國 一念起心成衆惡
是人命殄墮地獄 受苦永劫無出期
若有勤誠助國王 諸天護念增榮祿
智光長者汝應知 一切人王業所成
諸法無不因緣成 若無因緣無諸法
說無生天及惡趣 如是之人不了因
無因無果大邪見 不知罪福生妄計
王今所受諸福樂 往昔曾持三淨戒
戒德熏修所招感 人天妙果獲玉身
若人發起菩提心 願力資成無上果
堅持上品清淨戒 起居自在爲法王
神通變化滿十方 隨緣普濟諸羣品
中品受持菩薩戒 福得自在轉輪王
隨心所作盡皆成 無量人天悉遵奉

本生記卷第一 第五

下上品持大鬼王 一切非人咸率伏
受持戒品雖缺犯 由戒勝故得爲王
下中品持禽獸王 一切飛走皆歸伏
於清淨戒有缺犯 由戒勝故得爲王
下下品持琰魔王 地獄中常自在
雖毀禁戒生惡道 由戒勝故得爲王
以是義故諸衆生 應受菩薩清淨戒
善能護持無缺犯 隨所生處作人王
若有不受如求戒 終不能得野干身
何況能感人中天 最勝快樂居王位
是故王者非無因 戒業精勤成妙果
國王自是人民主 慈恤如母養嬰兒
如是人王有大恩 撫育之心難可報
以是因緣諸有情 若能修證大菩提
於諸衆生起大悲 應受如來三聚戒
若欲如法受戒者 應當懺罪令消滅
起罪之因有十緣 身三口四及意三
生死無始罪無窮 煩惱大海深無底
業障峻極如須彌 造業由因二種起
所謂現行及種子 藏識持緣一切種
如影隨形不離身 一切時中障聖道
近障人天妙樂果 遠障無上菩提果
在家能招煩惱因 出家亦破清淨戒

本生記卷第一 第六

若能如法懺悔者 所有煩惱悉皆除
猶如劫火壞世間 燒盡須彌并巨海
懺悔能燒煩惱薪 懺悔能往生天路
懺悔能得四禪樂 懺悔能入常樂宮
懺悔能延金剛壽 懺悔能開菩提華
懺悔能出三界獄 懺悔能至於寶所
懺悔見佛大圓鏡 懺悔能至於寶所
若能如法懺悔者 當依二種觀門修
一者觀事滅罪門 二者觀理滅罪門
觀事滅罪有其三 上中下根爲三品
若有上根求淨戒 發大精進心無退
悲淚泣血常精懇 哀感觸身皆血現
繫念十方三寶所 并餘六道諸衆生
長跪合掌心不亂 發露洗心求懺悔
唯願十方三世佛 以大慈悲哀愍我
我處輪迴無所依 生死長夜常不覺
我在凡夫具諸縛 狂心顛倒偏攀緣
我處三界火宅中 妄深六塵無救護
我生貧窮下賤家 不得自在常受苦
我生邪見父母家 造罪依於惡眷屬
唯願諸佛大慈尊 哀愍護念如一子
一懺不復造諸罪 三世如來當證明
如是勇猛懺悔者 名爲上品求淨戒
若有中根求戒者 一心勇猛懺諸罪

本生記卷第一 第七

涕淚交橫不覺知 偏身流汗哀求佛
發露無端生死業 願大悲水洗塵勞
消除罪障淨六根 施我菩薩三聚戒
我願堅持不退轉 精修度脫苦衆生
自未得度先度他 盡未來際常無斷
如是精勤勇猛者 不惜身命求菩提
能成三寶靈異相 是名中品大懺悔
若有下根求淨戒 發起無上菩提心
涕淚悲泣身毛豎 於所造罪深慚愧
對於十方三寶所 及以六道衆生前
至誠發露無始來 所有煩惱諸衆生
起於無礙大悲心 不惜身命悔三業
已作之罪皆發露 未作之惡更不造
如是三品懺諸罪 皆名第一清淨戒
以慈愧水洗塵勞 身心俱為清淨器
諸善男子汝當知 已說淨觀諸懺悔
於其理事無差別 但以根緣應不同
若欲修習觀正理 遠離一切諸散亂
著新淨衣跏趺坐 攝心正念離諸緣
常觀諸佛妙法身 體性如空不可得
一切諸罪性皆如 顛倒因緣妄心起
如是罪相本來空 三世之中無所得
非內非外非中間 性相如如俱不動
真如妙理絕名言 唯有聖智能通達

非有非無非有無 非不有無離名相
周偏法界無生滅 諸佛本來同一體
惟願諸佛垂加護 能滅一切顛倒心
願我早悟異性源 速證如來無上道
若有清信善男子 日夜能觀妙理空
一切罪障自消除 是名最上持淨戒
若人觀知實相空 能滅一切諸重罪
猶如大風吹猛火 能燒無量諸草木
諸善男子真實觀 名為諸佛祕要門
若欲為陀廣分別 無智人中勿宣說
一切凡愚衆生類 聞必生疑心不信
若有智者生信解 念念觀察悟真如
十方諸佛皆現前 菩提妙果自然證
善男子等我滅後 未來世中淨信者
於二觀門常懺悔 當受菩薩三聚戒
若欲受持上品戒 應請戒師佛菩薩
請我釋迦牟尼佛 當為菩薩戒和上
龍種淨智尊王佛 當為清淨教授師
未來導師彌勒佛 當為清淨證戒師
現在十方兩足尊 當為清淨證戒師
十方一切諸菩薩 當為修學戒伴侶
釋梵四王金剛天 當為學戒外護衆
奉請如是佛菩薩 及以現前佛戒師

普為報於四恩故 發起清淨菩提心
應受菩薩三聚戒 饒益一切有情戒
修攝一切善法戒 修攝一切律儀戒
如是三聚清淨戒 三世如來所護念
無聞非法諸有情 無量劫中未聞見
唯有過去十方佛 已受淨戒常護持
二障煩惱永斷除 獲證無上菩提果
未來一切諸世尊 守護三聚淨戒實
斷除三障并習氣 當證正等大乘提
現在十方諸善逝 具修三聚淨戒因
永斷生死苦輪迴 得證三身菩提果
超越生死深大海 菩薩淨戒為船筏
永斷貪瞋癡繫縛 菩薩淨戒為利劍
生死險道諸怖畏 菩薩淨戒為舍宅
息除貧賤諸苦因 淨戒能為如意寶
鬼魅所著諸疾病 菩薩淨戒為良藥
人天為王得自在 三聚淨戒作良緣
及餘四趣諸王身 淨戒為緣獲勝果
是故能修自在因 當得為王受尊貴
應先禮敬十方佛 日夜增修清淨戒
諸佛護念常受持 戒等金剛無破壞
三界諸天諸善神 衛護王身及眷屬
一切怨敵皆歸伏 萬姓歡娛咸王化

◇高麗大藏經◇

五〇〇

如是十佛成正覺 各坐七寶菩提樹
前佛入滅後佛成 不同化佛經劫現
十佛所坐蓮華臺 周徧各有百千葉
一一葉中一佛土 即是三千大千界
一一界中有百億 日月星辰四大洲
六欲諸天及四禪 空處識處非想等
其四洲中南瞻部 一一各有金剛座
及以菩提大樹王 爾所變化諸佛身
一時證得菩提道 轉妙法輪於大千
菩薩緣覺及聲聞 隨所報宜成聖果
如是所說三身佛 最上無比名為寶
應化二身所說法 教理行果為法寶
諸佛以法為大師 修心所證菩提道
法寶三世無變易 一切諸佛皆歸學
我今頂禮薩婆若 故說法寶為佛師
或入猛火不能燒 應時即得真解脫
法寶能摧生死獄 猶如金剛碎萬物
法寶能照衆生心 如日天子臨空界
法寶能作堅牢船 能渡愛河超彼岸
法寶能與衆生樂 譬如天鼓應天心
法寶能濟衆生貧 如摩尼珠雨衆寶
法寶能為三寶階 聞法修因生上界
法寶金輪大聖王 以大法力破四魔

法寶能為大寶車 能運衆生出火宅
法寶能為大導師 能引衆生至寶所
法寶能吹大法螺 覺悟衆生成佛道
法寶能為大法燈 能照生死諸黑闇
法寶能為金剛箭 能鎮國界伏諸惡
三世如來所說法 能利衆生脫苦縛
引入涅槃安樂城 是名法寶恩難報
智光長者汝諦聽 世出世僧有三種
菩薩聲聞聖凡衆 能益衆生為福田
文殊師利大聖尊 三世諸佛以為母
十方如來初發心 皆是文殊教化力
一切世界諸有情 聞名見身及光相
并見隨類諸化現 皆成佛道難思議
彌勒菩薩法王子 從初發心不食肉
以是因緣名慈氏 為欲成熟諸衆生
處於第四兜率天 四十九重如意殿
晝夜恒說不退行 無數方便度人天
八功德水妙華池 諸有緣者悉同生
我今弟子付彌勒 龍華會中得解脫
於末法中善男子 一博之食施衆生
以是善根見彌勒 當得菩提究竟道
舍利弗等大聲聞 智慧神通化羣生
若能成就解脫成 真是修行正見人

為陀說法傳大乘 如是福田為第一
或有一類凡夫僧 戒品不全生正見
讚詠一乘微妙法 隨犯隨悔障銷除
為諸衆生成佛因 如是凡夫亦僧寶
如營金華雖萎悴 猶勝一切諸妙華
正見比丘亦如是 四種輪王所不及
如是四類聖凡僧 利樂有情無暫歇
稱為世間良福田 是名僧寶大恩德
如我所說四恩義 是名能造世間因
一切萬物從是生 若離四恩不可得
譬如世間諸色塵 能造四大而得生
有情世間亦復然 由彼四恩得安立
今時智光長者及諸子等聞佛所說
四種大恩得未曾有歡喜合掌而白
佛言善哉善哉大慈世尊為濁惡世
不信因果不孝父母邪見衆生說真
妙法利樂世間唯願世尊說華恩義
我等既悟甚深四恩而今未知修何
善業而報是恩佛告長者善男子等
我為五百長者先已廣說而今為汝
略說少分若善男子善女人為得阿
耨多羅三藐三菩提精勤修行十波
羅蜜若有所得未名報恩若人須臾

能行一善心無所得乃名報恩所以者何一切如來觸無所得乃成佛道化諸眾生若有淨信善男子等得聞是經信解受持解說書寫以無所得三輪體空竊為一人說四句法除邪見心趣向善提提是即名為報於四恩何以故是人當得無上菩提展轉教化無量眾生令入佛道三寶種子永不斷絕今時智光長者聞是偈已得忍辱三昧狀離世間得不退轉時諸子等八千人俱得此三昧皆發無等等阿耨多羅三藐三菩提心四萬八千人亦證三昧遠塵離垢得法眼淨

大乘本生心地觀經卷第三

丙午歲高麗國大藏都監奉

勅雕造

淨土心地觀經卷第三 第五

大乘本生心地觀經卷第四

大藏經卷第四 三藏經卷第四

默捨品第三

今時智光長者承佛威神即從座起頂禮佛足恭敬合掌而白佛言世尊我今從佛聞是報恩甚深妙法心懷踊躍得未曾有如饑渴人遇甘露食我今樂欲酬報四恩投佛法僧出家修道常勤精進希證菩提佛大慈悲於一時中在此舍離城為無垢稱說甚深法汝無垢稱以清淨心為善業根以不善心為惡業根心清淨故世界清淨心雜穢故世界雜穢我佛法中以心為主一切諸法無不由心汝今在家有大福德眾寶瓔珞無不充足男女眷屬安隱快樂成就正見不謗三寶以孝養心恭敬尊親起大慈悲給施孤獨乃至螻蟻尚不加害忍辱為衣慈悲為室尊敬有德心無憍慢憐愍一切猶如赤子不貪財利常修喜捨供養三寶心無狀足為法捨身而無惜惜如是白衣雖不出家已具無量無邊功德汝於來世萬行圓滿

超過三界證大菩提汝所信心即具沙門亦婆羅門是具比丘是具出家如是之人此則名為在家出家世尊或有一時於迦蘭陀竹林精舍為其惡性六羣比丘說教誡法而告之言汝等比丘諦聽諦聽入佛法海信為根本渡生死河戒為船筏若人出家不護禁戒貪著世樂毀佛戒寶或失正見入邪見林引無量人墮大深坑如是比丘不名出家非是沙門非婆羅門形似沙門心常在家如是沙門無遠離行遠離之行有其二種一身遠離二心遠離身遠離者若人出家身處空閑不淨欲境名身遠離若有出家修清淨心不淨欲境名心遠離身雖出家心貪欲境如是之人不名遠離若淨信男及淨信女身居聚落發無上心以大慈悲饒益一切如是修行名真遠離於是六羣惡性比丘聞是法音得柔順忍然今我等雖信佛說各各懷疑意未決定善哉世尊能斷世間一切疑者於一切法得自在者真實語者無二語者是知道者是開道者惟願如來為我等輩及未

淨土心地觀經卷第四 第五

◇高麗大藏經◇

五〇二

來世一切有情捨於方便說真實法
永離疑悔令入佛道今此會中有二
菩薩一者出家二者在家是二菩薩
善能利樂一切有情而無休息

如我惟付出家菩薩不及在家修善
謹行所以者何昔有金輪轉輪聖王發
阿耨多羅三藐三菩提心厭離世間
無常苦空捨輪王位如棄漚唾清淨
出家入於佛道是時後宮夫人姊妹
八萬四千見王出家各懷戀慕拊心
號慟生大逼惱起愛別離如地獄苦
金輪聖王初受位時所感寶女及王
千子大臣眷屬共傷離別捨位出家
號泣之聲滿四天下此諸眷屬各作
是言我王福智無量無邊如何見棄
捨我出家哀哉苦哉世界空虛從今
已去無依無怙若有淨信善男子善
女人歸佛法僧發菩提心捨離父母
出家入道父母憐慈思念情深離別
悲哀感動天地如涸轍魚宛轉于地
愛別離苦亦復如是如彼輪王眷屬
之心出家菩薩饒益眾生云何饒害
父母妻子令無量人受大苦惱以是

因緣出家菩薩無慈無悲不利眾生
是故非如在家菩薩具大慈悲憐愍
眾生利益一切

今時佛告智光長者善哉善哉汝大
慈悲勸誘我說出家在家二種勝劣
汝今所問出家菩薩不如在家是
義不然所以者何出家菩薩勝於在
家無量無邊不可為比何以故出
家菩薩以正慧力微細觀察在家所
有種種過失所謂世間一切舍宅
積聚其中不知滿足猶如大海客受
一切大小河水未曾滿足善男子
香山之南雪山之北有阿耨池四大
龍王各居一角東南龍王白象頭西
南龍王牛頭西北龍王獅子頭東
北龍王大馬頭各從四角涌出大河
一號伽河其水所至白象頭出二信
渡河其水所至水牛頭出三薄蒲河
其水所至師子頭出四和陀河其水
所至大馬頭出如是大河一一各
有五百中河中河各有無量小河是
大中小一切衆水皆入大海然此大
海未曾滿足世間衆生所有一切居

處舍宅亦復如是聚諸珍寶從四方
來悉入宅中未曾滿足多求積聚造
種種罪無常忽至棄捨故宅是時宅
主隨業受報經無量劫終無所歸善
男子所為宅者即五蘊身其宅主者
是汝本識誰有智者樂有為宅唯有
菩提安樂寶宮離老病死憂悲苦惱
若有利根淨信深厚善男子等欲度
父母妻子眷屬令入無為甘露宅者
須歸三寶出家學道今時如來重說
偈言

出家菩薩勝在家 算分喻分莫能比
在家逼迫如牢獄 欲求解脫甚為難
出家閑曠若虛空 自在無為離繫著
諦觀在家多過失 造諸罪業無有邊
營生貪求恒不足 猶如大海難可滿
阿耨達池龍王等 四角涌出四大河
大中小河所有水 晝夜流注無窮歇
然彼大海未曾滿 所貪舍宅亦如是
在家多起諸惡業 未嘗洗懺令滅除
空知憂念危脆身 不覺命隨朝露盡
焰魔使者相催逼 妻子屋宅無所隨
幽冥黑闇長夜中 獨往死門隨業受

諸佛出現悲愍 欲令眾生厭世間
汝今已獲難得身 當勤精進勿放逸
在家屋宅深可厭 空寂寶舍難思議
永離痛苦及憂惱 諸有智者善觀察
當來淨信善男女 欲度父母及眷屬
令入無為甘露城 願求出家修妙道
漸漸修行成正覺 當轉無上大法輪
復次善男子出家菩薩觀世舍宅猶
如石火深生厭患何以故譬如微火
能燒一切諸草木等世間舍宅亦復
如是貪心求覓馳走四方若有所得
受用不足於一切時追求無厭若無
所得心生熱惱日夜追求是故世間
一切舍宅能生無量煩惱之火為起
貪心恒無知足世間財寶猶如草木
貪欲之心如世舍宅以是因緣一切
諸佛說於三界名為火宅善男子出
家菩薩能作是觀厭離世間名真出家
今時如來重說偈言
出家菩薩觀世宅 猶如人間微少火
一切草木漸能燒 世宅當知亦如是
眾生所有眾財寶 更互追求常不足
求不得苦恒在心 若病死火無時滅

法華經疏卷第四
第一疏

以是因緣諸世尊 說於三界為火宅
若欲超過三界苦 應修梵行作沙門
三昧神通得現前 自利利他悉圓滿
復次善男子愛樂出家當觀舍宅如
彼深山石窟之中有大寶藏譬如長
者唯有一子其家大富財寶無量奴
婢僕從象馬無數其父於後忽遭重
病名醫良藥不能拔療長者自知將
死不久即命其子而告之言凡我所
有一切財寶付囑於汝勤加守護勿
令漏失既付囑已即便命終
時長者子不順其命恣行放逸既積
家業財物散失僮僕逃遁而無所依
時彼老母心懷憂惱遂得重病即便
於歿其子貧窮無所恃怙遂投山谷
拾薪採菓賣鬻自給波時遇雪入石
窟中權自憩息然此窟中是昔國王
藏七寶所無能知者經數百千年迺
絕人跡時彼貧人業因緣故偶入窟
中見無量金心大歡喜得未曾有因
而分別
若干分金造立舍宅若干分金為娶
妻財如是奴婢如是象馬隨心所欲

法華經疏卷第四
第二疏

皆如其意作是計時有諸羣賊為起
走鹿到於窟前見此貧人以金分配
遂捨其鹿殺人取金愚癡凡夫亦復
如是深著世樂不樂出離深山石窟
如世舍宅伏藏金寶猶如善根殘魔
使者即是羣賊隨業受報墮三惡道
不聞父母三寶名字喪失善報以是
因緣應當厭離發於無上大菩提心
出家修道希成妙覺
今時如來重說偈言
愛樂在家諸菩薩 觀於舍宅如寶藏
譬如長者有一子 其家大富饒財寶
奴婢僕從及象馬 一切所須無不豐
於後長者身有病 舉世良醫皆拱手
臨歿告命諸親族 付囑家財與其子
教誨令存孝養心 當勤奉祀無斷絕
是時其子違父命 廣縱愚癡多放逸
老母懷憂疾病身 又因惡子尋喪逝
眷屬乖離無所託 拾薪貨鬻以為常
往彼山中遇風雪 入於石窟而憩息
窟中往昔藏妙寶 已經久遠無人知
無人得遇真金藏 心懷踊躍生希有
尋時分配真金寶 隨意所欲悉用之

法華經疏卷第四
第三疏

◇高麗大藏經◇

五〇四

或以造舍或妻財 收婢象馬并車乘
校計未來無能捨 群賊因鹿到其前
是彼怨家會遇時 遂無貧人取金去
愚癡衆生亦如是 石窟猶如世間宅
伏藏真金比善報 琉璃鬼使如劫賊
以是因緣諸佛子 早趣出家修善品
應觀身命類浮泡 勤修戒忍波羅蜜
當詣七寶菩提樹 金剛座上證如如
常住不滅難思議 轉正法輪化羣品
復次善男子世間所有一切舍宅猶
如雜毒甘味飲食譬如長者唯有一
子聰慧利根達迦樓羅極密觀門能
辯毒藥善巧方便父母恩憐愛念無
比時長者子為有事緣往至鄧肆未
及歸家令時父母與諸親族歡喜宴
樂具設甘饌時有怨家密以毒藥致
飲食中無人覺知是時父母不知食
中有雜毒藥遂令長幼服雜毒食其
子後來父母歡喜所留飲食賜與其
子是時其子未須飲食念迦樓羅極
密觀門便知食中有雜毒藥其子雖
知父母服毒而不為說候服毒藥所
以者何若覺服毒更加問亂毒氣速

本經心經卷下 第七

發必令人死即設方便自父母言我
且不食如是飲食竟往市中卻來當
食何以故我先買得無價寶珠留在
櫃中而忘封閉於是父母聞說寶珠
生歡喜心任子所往子遂馳走詣醫
王家求阿伽陀解毒藥既得此藥
疾走還家乳酥妙糖三味合煎和阿
伽陀作是藥已自父母言唯願父母
服是甘露此是雪山阿伽陀藥所以
者何父母向來快服毒藥我所發出
本為父母及諸人等求得如是不死
妙藥於是父母及眾人等心大歡喜
得未曾有即服妙藥吐諸毒氣便得
不死更延壽命出家菩薩亦復如是
過去父母沈淪生死現在父母不能
出離未來生死難可斷盡現在煩惱
難可伏除以是因緣為度父母及諸
衆生激發同體大慈悲心求大菩提
出家入道善男子是名舍宅如雜毒
藥入甘美食令時如來重說偈言
世間所有諸舍宅 說名雜毒甘美食
譬如長者有一子 聰明利智復多才
善迦樓羅極密門 能辯毒藥巧方便

本經心經卷下 第七

子有事緣往鄧肆 楚時貨易未還家
父母宴樂會諸親 百味珍羞皆具足
有一惡人持毒藥 密來致之於飲食
其子是時不在家 父母為見留一分
舉家快服雜毒藥 子念觀門知有毒
即便奔馳到醫所 求得伽陀不死藥
三味和煎藥已成 遂自詣親速令服
如是所服如甘露 差諸雜毒皆安樂
一切信心善男子 出家修道亦如是
為濟父母及衆生 所服煩惱諸毒藥
狂心顛倒造諸罪 永沈生死憂悲海
割愛辭親入佛道 得近調御大醫王
所修無漏阿伽陀 還生父母三界宅
令服法藥斷三障 當證無上菩提果
盡未來際常不滅 能度衆生作歸依
畢竟處於大涅槃 及佛菩提圓鏡智
復次善男子出家菩薩常觀世間一
切舍宅猶如大風不能楚住何以故
善男子在家之心恒起妄想執著外
境不能了真無明昏醉顛倒觸境亦
常不住惡覺易起善心難生由妄想
緣起諸煩惱因衆煩惱造善惡業依
善惡業感五趣果如是如是生死不

本經心經卷下 第七

斷唯有正見不顛倒心作諸善業曰
三善根及以信等增長無漏法令種
子能起無漏三昧神通如是如是證
聖相續若伏妄想修習正觀一切煩
惱永盡無餘今時智光長者白佛言
世尊修習正觀有無量門修何等觀
能伏妄想今時世尊告長者言善男
子應當修習無相正觀無相觀者能伏
妄想唯觀實性不見十相一切諸法體
本空寂無見無知是名正觀若有佛
子安住正念如是觀察長時修習無相
無為妄想猛風寂然不動聖智現觀證
理圓成善男子是名賢聖是名菩薩
是因緣一切菩薩為伏妄想永不退
故為報四恩成就四德出家修學息
妄想心經無量劫成就佛道今時如
來重說偈言

出家菩薩觀在家 猶如暴風不暫住
亦如妄執水中月 分別計度以為實
水中本來月影無 淨水為緣見本月
諸法緣生皆是假 凡愚妄計以為實
即此從緣法非真 妄想分別計為有

本生記卷第四

第五

若能斷除於二執 當於無上大菩提
凡情妄想如黑風 吹亡死林念念起
四顛倒見常隨逐 今造三種無間因
三不善根現為纏 生死輪迴鎖相續
若人聞經深信解 正見能除顛倒心
菩提種子念念生 大智神通三昧起
若能修習深妙觀 戒業苦果無由起
唯觀實相真性如 能所俱亡離諸見
男女性相本來空 妄執隨緣生二相
如來永斷妄想目 真性本無男女相
菩提妙果證皆同 妄計凡夫生異相
三十二相本非相 了相非相為實相
若人出家修梵行 攝心寂靜處空閑
是為菩薩真淨心 不久當證菩提果
復次善男子出家菩薩日夜恒觀世
間舍宅一切皆是煩惱生處何以故
如有一人造八舍宅以諸寶物而自
莊嚴造此宅已而作是念今此舍宅
是我所有不屬他人唯我舍宅最為
吉祥他人舍宅所不能及如是執著
能生煩惱由煩惱故我我所執而為
根本八萬四千諸塵勞門更相競起
元滿宅中所以者何在家凡夫深著

本生記卷第四 第五

五欲妻子眷屬奴婢僕使悉皆具足
以是因緣生老病死憂悲苦惱總增
合會息愛別離貧窮諸衰求不得苦
如是眾苦如影隨形如響應聲世世
相續恒不斷絕如是眾苦非無所因
大小煩惱而為根本一切財寶追求
而得若無先因不可追求假使追求
亦無所獲善男子以是義故一切煩
惱追求為本若滅追求無量煩惱悉
皆斷盡然今是身眾苦所依諸有智
者當生厭離如過去世迦葉如來為
諸禽獸而說偈言

是身為苦本 餘苦為枝葉 若能斷苦本
眾苦悉皆除 汝等先世業 造罪心不悔
感得不可愛 雜類受苦身 若起殷重心
一念求懺悔 如火焚山澤 眾罪皆銷滅
是身苦不淨 無我及無常 汝等咸應當
深生厭離心

小時無量諸禽獸等聞此偈已於一
念心至誠懺悔便捨惡道生第四天
奉覲一生補處菩薩聞不退法究竟
涅槃善男子以是因緣今此苦身猶
如舍宅一切煩惱即為宅主是故淨

信善男子等發菩提心出家入道必得解脫一切衆苦皆當成就阿耨多羅三藐三菩提時如來重說偈言
出家菩薩恒觀察 舍宅所生諸煩惱
如有一人造舍宅 種種珍寶以嚴飾
自念壯麗無能比 不屬他人唯我有
工巧所修最殊妙 世間舍宅無能及
如是分別生執著 以我我所爲根本
八萬四千諸煩惱 充滿舍宅以爲災
世間一切諸男女 六親眷屬皆圓滿
以是因緣生衆苦 所謂生老及病死
憂悲苦惱常隨逐 如影隨形不離離
諸苦所因貪欲生 若斷追求盡諸苦
是身能爲諸苦本 勤修狀離趣菩提
三界身心如舍宅 煩惱宅主居其中
汝等應發菩提心 捨離凡夫出三界
復次善男子出家菩薩常觀在家猶如大國有一長者其家豪富財寶無量於多劫中父子因緣相襲不斷修諸善行名稱遠聞是大長者所有財寶皆分爲四一分財寶常求息利以贍家業一分財寶以充隨日供給所須一分財寶惠施孤獨以修當福一

分財寶拯濟宗親往來賓旅如是四分皆無斷絕父子相承爲世家業後有一子愚癡不依四業起諸舍宅七層樓閣信於常制衆寶嚴飾瑠璃爲地寶寬交映龍首魚形無不具足微妙音樂晝夜不絕受五欲樂如初利天鬼神憎嫌人天遠離於是降家忽然火起猛焰熾盛隨風蔓延焚燒庫藏及諸樓臺時長者子見是猛火起大瞋心速命妻子奴婢眷屬入於重舍閉樓閣門以思避故一時俱死在家凡夫亦復如是世間愚人如長者子諸佛如來猶如長者不順佛教造作惡業墮三惡道受大苦惱以是因緣出家菩薩當觀在家如長者子不順父母爲火所燒妻子俱死善男子等應生厭離人天世樂修清淨行當證菩提時如來重說偈言
出家菩薩觀在家 猶如長者生愚子
其家富有諸財寶 久遠相承無闕乏
先世家業傳子孫 一切資產爲四分
常修勝行無過惡 名稱遍滿諸國土

金銀珍寶數無邊 出入息利無休
惡惡喜捨心無倦 惠施孤貧常不絕
長者最後生一子 愚癡不孝無智慧
年齒已邁筋力衰 家財內外皆付子
子違父命行放逸 四業不紹墮於家
造立七層珍寶樓 用紺瑠璃作窓隔
歌吹管絃曾不歇 常以不善師於心
受五欲樂如天宮 一切龍神皆遠離
隣家欽然災火起 猛焰隨風難可禁
庫藏珍財及妻子 皆燒舍宅悉焚燒
積惡招殃遂滅身 妻子眷屬同殞殛
三世諸佛如長者 一切凡夫是愚子
不修正道起邪心 命終墮在諸惡趣
長劫獨受焚燒苦 如是展轉無盡期
在家佛子汝當知 不貪世樂勤修證
厭世出家修梵行 山林寂靜離諸累
爲報四恩修勝德 當於三界爲法王
盡未來際度衆生 作不請友常說法
永截愛流超彼岸 住於清淨涅槃城
復次善男子出家菩薩觀於世間一切舍宅猶如大夢夢如長者有一童女年始十五端正殊妙時父母處三層樓將其受女受諸歡樂於夜分

中母女同宿在一寶牀而共安寢於是童女夢見父母姊與夫家經歷多年遂生一子端正殊妙有聰慧相日漸恩養能自行步處在高樓因危墮落未至於地見有餓虎接而食之是時童女倍復驚怖舉聲號哭遂便夢覺今時父母問其女言以何因緣忽然驚怖時女羞恥不肯說之其母歷懇竊問其故時女為母密說如上所夢之事善男子世間生死有為舍宅長處輪迴未得真覺今所分位恒處夢中生老病死三界舍宅如彼童女處於夢中虛妄分別亦復如是或魔鬼使忽然而至如彼餓虎於虛空中接彼嬰孩而取食之一切眾生念念無常老病死苦亦復如是誰有智者愛樂此身以是因緣觀於生死長夜夢中發菩提心狀離世間當得如來常住妙果今時如來重說偈言

佛子至求無上道 當觀舍宅如夢中
譬如富貴大長者 有一童女妙端嚴
隨其父母上高樓 觀視遊從甚歡樂
女向樓中作是夢 分明夢見適俗人

法華經疏卷第四 第七

彼於夫家誕一子 其母愛念心憐煦
子上樓臺耽喜樂 因危墮墮於虎口
遂乃失聲從夢覺 方知夢想本非真
無明闇障如長夜 未成正覺如夢中
生死世間常不實 妄想分別亦如是
唯有四智大圓明 破闇搖為真妙覺
無常念念如饑虎 有為虛假難久停
宿鳥平旦各分飛 命豈別離亦如是
往來住業受諸報 父母恩情不相識
哀哉凡夫生死身 輪轉三塗長受苦
若知善惡隨業成 應當懺悔令消滅
一切人天妙樂果 慙愧正見為所因
應發堅固菩提心 被精進甲勤修學
復次善男子出家菩薩觀於舍宅如
北馬口海出於猛焰吞納四瀆百川
眾流無不燒盡譬如往昔羅陀國中
有一菩薩名妙得彼岸然是菩薩有
慈悲心常懷饒益有諸賁人入海採
寶將是菩薩同載船皆達寶洲度
於險難而無所礙到於彼岸後時菩
薩年漸衰老已經百歲起坐扶策力
不能前有一賁主詣菩薩所禮拜供
養白菩薩言我欲入海求諸珍寶永

法華經疏卷第四 第七

離貧窮得大富貴今請菩薩與我同
往今時菩薩告賁主言我今衰老筋
力微弱不能入海賁主復言惟願大
士不捨慈悲哀受我請於我船中但
自安坐是我所願今時菩薩受賁人
請乘大船船入於大海向東南隅詣
其寶所時遇北風漂墮南海猛風狂
疾晝夜不停經於七日見大海水變
為金色猶如鎔金今時眾賁白菩薩
言以何因緣水變金色有如是相菩
薩告言汝等當知我今已入黃金大
海無量無邊紫磨真金充滿大海金
寶交映有如是相超過正路墮此
海中各自勤求設諸方便還歸北
方復經數日見大海水變為白色
猶如珂雪菩薩告言汝等當知我
今已入真珠大海白玉真珠充滿海
中珠映水色有如是相汝當盡力設
諸方便還歸北方復經數日入海之
水變為青色如青瑠璃菩薩告言我
及汝等已入青瑠璃海無量無邊青
玻璃寶充滿大海玻璃之色交映如
是復經數日大海之水變為紅色猶

法華經疏卷第四 第七

◇高麗大藏經◇

五〇八

如血現菩薩告言我及汝等已入紅
玻璃海無量無邊紅玻璃寶充滿大
海寶色紅赤交映如是復經數日水

變黑色猶如墨汁遙聞猛火爆裂之

聲猶如大火燒乾竹林熾然燒燄甚

可怖畏如是相續曾未見聞又見大

火起於南方猶如攢拳高逾百丈焰勢

飛空或合或散光流掣電如是之相未

曾見聞我等身命實難可保於是菩

薩告衆人言汝等今者甚可怖畏何

以故我等已入此馬口海諸四大海及

四天下大小衆未入此口海皆被燒盡

所以者何由諸衆生業增上力自然

天火能燒海水若是天火不燒海水

一日夜中一切陸地變成大海所有

衆生悉皆漂沒然今我等遇大黑風

漂流如是此馬口海我今衆人餘命

無幾今時船舶有千餘人同時發聲

悲號啼哭或自拔髮或自投身作如

是言我等今者爲求珍寶入於大海

遇此險難哀哉苦哉以何方便得免

是難時千人等至誠歸命或稱悲母

或稱慈父或稱梵天或稱摩醯首羅

天王或稱大力那羅延天或有歸命

得岸菩薩散大士而作是言唯願
菩薩濟我等今時菩薩爲是衆人
難諸恐怖而說偈言

世間最上大丈夫 雖入死門不生畏

汝若憂悲失智慧 應當一心設方便

若得善巧方便門 離諸八難超彼岸

是故安心勿憂懼 應當懇念大慈尊

於是菩薩說此偈已燒衆名香禮拜

供養十方諸佛發是願言南無十方

諸佛南無十方諸佛諸大菩薩摩訶

薩衆四向四果一切賢聖有天眼者

有天耳者知他心者衆自在者我爲

衆生運大悲心棄捨身命濟諸苦難

然今我身有一善根受持如來不妄

語戒無量生中未曾敢犯若我一生

有妄語者今此惡風轉加增威如是

戒德非虛妄者願以此善迴施一切

我與衆生當成佛道若實不虛願此

惡風應時休息如意便風隨念而至

然諸衆生即是我身衆生與我等無

差別是大菩薩發起如是同體大悲

無礙願已經一念頃惡風尋止便得

順風解脫衆難得至寶所獲諸珍寶

今時菩薩告衆人言如是珍寶難逢
難遇汝等先世廣行檀施得值如是

衆妙珍寶昔修施時心有恪借以是

因緣遇是惡風汝諸衆人所得珍寶

須知限量無使多取以損貪心後招

大難汝等當知衆寶之中命寶爲最

若存其命是無價寶時衆人等蒙菩

薩教生知足心不敢多取今時衆人

得免災難獲大珍寶遠離貧窮到於

彼岸諸善男子出家菩薩亦復如是

親近諸佛善友知識如彼衆人得遇

菩薩永離生死到於彼岸猶如寶主

獲大富貴世間所有有爲舍宅如北

馬口海能燒衆流出家菩薩亦復如

是審諦觀察在家過失汝善男子不

深世間諸五欲樂厭離三界生死苦

難得入清涼安樂大城今時如來重

說偈言

出家菩薩觀舍宅 如北馬海燒衆流

譬如往昔羅陀國 有一菩薩名得岸

具大福智巧方便 無緣慈悲攝有情

得是菩薩乘船舶 寶人獲寶超彼岸

然是大士年衰老 不樂利佗好禪寂

有一賣主請菩薩 欲入大海求珍寶
唯願大士受我請 令我富饒無間乏
於是菩薩運大悲 即便受請乘船舶
時張大帆遇順風 直往東南詣寶所
忽遇暴風吹船舶 漂墜南海迷所往
經過七日大海水 悉皆變作黃金色
紫磨黃金滿海中 寶映光現真金色
復經數日大海水 變為白色如珂雪
真珠珍寶滿海中 所以海水成白色
又經數日大海水 變作紺青如琉璃
青玻璃珠滿大海 所以水作紺青色
又經數日大海水 悉皆變作紅赤色
紅玻璃珠滿海中 故變水色同於彼
復經數日大海水 變為黑色如墨汁
如是天火所焚燒 海水盡皆如墨色
此海名為牝馬口 吞納四海及眾流
一切船舶若經過 有人到此多皆死
天火熾威如山積 爆裂之聲如雷震
衆人遙見心驚怖 號叫捷臂白大師
於是菩薩起慈悲 不惜身命垂救護
暴風尋止順風起 渡於險難至寶所
各獲珍琦達彼岸 永離貧窮受安樂
出家菩薩亦如是 親近諸佛如寶主

今主心經心

觀經疏

永離火宅趣真覺 猶如寶人歸本處
世間所有諸宅舍 如彼牝馬大口海
出家常默於在家 不深世間離五欲
樂住空閑心不動 善達甚深真妙理
或處人間聚落中 如蜂採華無所損
四威儀中恒利物 不貪世樂及名聞
口中常出柔輦言 麤惡惡言斷相續
知恩報恩修善業 自他俱得入真常
余時智光及諸長者一萬人俱異口
同音而白佛言善哉世尊希有善逝
如是如是世尊所說微妙第一善巧
方便饒益有情如佛所說我今悉知
世間宅舍猶如牢獄一切惡法從舍
宅生出家之人實有無量無邊勝利
由是我等深樂出家現在當來恒受
法樂余時世尊告諸長者善哉善哉
汝等發心樂欲出家若善男子善女
人發阿耨多羅三藐三菩提心一日
一夜出家修道二百萬劫不墮惡趣
常生善處受勝妙樂遇善知識永不
退轉得值諸佛受菩提記坐金剛座
成正覺道然出家者持戒最難能持
戒者是真出家時諸長者白佛言世

本心經心

觀經疏

尊我等持戒修諸梵行願我速出生
死苦海願我速入常樂寶宮願我廣
度一切衆生願我疾證於無生智余
時世尊告彌勒菩薩及文殊師利如
是長者付囑汝等勸令出家受持淨
戒時九千人於彌勒前出家修道受
持佛戒七千人俱於文殊前出家修
道受佛禁戒如是人等既得出家成
就法忍入於如來秘密境界不復退
轉無量萬人發菩提心至不退位
無數人天遠塵離垢得法眼淨

大乘本生心地觀經卷第四

丙午歲高麗國大藏都監奉

勅雕造

淨信院經藏部 單行疏 臣

大乘本生心地觀經卷第五

匡

無垢性品第四

大唐對賓國三藏般若奉 詔譯

今時智光及諸長者既出家已齊整法服五輪著地禮如來足合掌恭敬白佛言世尊我等從佛聞所未聞在家所有種種過失發菩提心厭離世間剷除煩惱而作比丘唯願如來應正等覺爲我等類及諸衆生演說出家殊勝功德令得聞者發清淨心棄遠離行不斷佛種世尊大恩無緣慈悲憐愍衆生如羅睺羅出家菩薩應云何住云何修習無垢之業云何調伏有漏之心今時世尊讚歎智光諸比丘等善哉善哉是真佛子能爲未來一切衆生問於如來如是大事如是如是如汝所說如來世尊憐愍衆生平等無二猶如一子汝今諦聽善思念之吾當爲汝分別演說出家菩薩應如是住如是修行無垢之業如是調伏有漏之心唯然世尊願樂欲聞今時佛告智光比丘出家菩薩住如是是心常作是觀我得人身諸根具足

從何處沒來生此間我於三界中當生何界於四大洲復生何處六道之中受生何道以何因緣得離父母妻子眷屬出家修道免八難身莊嚴劫中過去千佛皆已涅槃呈宿劫中未來千佛未出於世賢劫之中現在千佛幾佛如未出現於世化緣將盡入般涅槃幾佛世尊未出於世是諸衆生根緣未熟未聞正法復於何時當來彌勒從兜率天下生人間現成佛道於我身中有何善業戒定慧學當有何德過去諸佛皆已不遇當來世尊得見不邪我今現在諸凡夫地三業煩惱何最高重一生已來造何罪業於何佛所曾種善根我此身命能得幾時是日已過命隨滅少猶如牽羊詣彼屠所漸漸近死無所逃避身壞命終生於何處三惡道苦如何脫免然我此身受樂長養念念衰老無時暫停誰有智者受樂此身智光當知出家菩薩常於晝夜如是觀察勿貪世間受五欲榮華勤修習未嘗暫捨如去頂石如鼓頤然心常戰慄過

本生心地觀經卷第五 第三張

去先罪安住如是四無垢性一心修行十二頭陀調伏其心如旃陀羅如是佛子是名出家智光比丘以何義故說名真實修沙門行如旃陀羅其旃陀羅每遊行時手執錫杖不敢當路若人逼近振錫令聞於大衆中心行謙下不敢輕慢被呵責時心無怨恨未嘗加報罵辱鞭撻默然受之何以故自知下性不階衆流以是因緣無瞋無報智光當知出家菩薩亦復如是剷除驕驕形同嬰兒執持應器依怙活命身著袈裟如披甲冑杖錫而行如持鉢稍執智慧劍破煩惱賊修要見行兢益一切是故一切三毒利箭不入真實沙門之身出家菩薩以三觀門修忍辱行名真出家觀諸衆生是佛化身觀於自身爲實愚夫觀諸有情作尊貴想觀於自身爲僮僕想又觀衆生作父母想觀自己身如男女想出家菩薩常作是觀或被打罵終不加報善巧方便調伏其心智光比丘汝等諦聽云何名爲四無垢性衣服卧具飲食湯藥如是四事隨有所得

本生心地觀經卷第五 第三張

羸細細心遠難貪求是無垢性諸比丘等以何因緣如是四行名無垢性智光當知諸佛如來三十七品菩提分法皆從此生佛法僧寶常不斷絕是故得名為四無垢性今時世尊而說偈言

智光比丘沒諍恥 出家菩薩所應作
無緣大慈攝衆生 猶如一子皆平等
發菩提心求正覺 應作三種成佛法
心常住四無垢性 當修十二頭陀行
下心猶如旃陀羅 四威儀中作是念
十方無量諸菩薩 剎那剎那趣聖道
彼既修證我亦亦 如何流轉三界中
恒居生死無量苦 我今是身住何界
六道輪迴處何道 胎卵濕化受何生
身口意業於何修 所造罪中何者重
三性之心何心多 如是微細觀察已
大慈大悲恒相續 大喜大捨為先心
為有緣者說妙法 晝夜修心不暫停
如去頂石救頭燃 念三觀門常不離
觀諸有情是佛身 唯我獨處於凡類
一切衆生等尊貴 我為憐僕居卑賤
世間衆生同父母 我如男女行孝養

本生心經卷第五

第四品

被佗打罵不瞋嫌 勤修忍辱無怨嫉
四事供養心不著 是則名為無垢性
三十七品菩提分 及以如來果報身
如是殊勝無漏法 四無垢性為根本
不放逸行常修習 是名出家真佛子
菩提智種念念增 無漏聖道皆成就
速得超於無量劫 端坐華王法界中
福智二嚴皆圓滿 無邊劫海剎羣生
由無垢性皆成就 證獲如來常住果
復次智光比丘出家菩薩於所著衣
不應貪著若細若麤隨其所得但於
施者為生福田勿嫌麤惡不得為衣
廣說法要起諸方便與貪相應世間
凡夫為衣服故非法貪求造不善業
墮於惡道經無量劫不遇諸佛不聞
正法受苦畢已復生人間貧窮困苦
求不得苦晝夜逼迫衣不蔽形食不
支命如是衆苦皆由先世為衣服故
多殺生命造種種罪出家菩薩即不
如是隨其所得不嫌麤惡但懷慙愧
以充法衣得十勝利一者能覆其身
遠離羞恥具足慙愧修行善法二者
遠離寒熱及以蚊蟲惡獸毒蟲安隱

本生心經卷第五 第五品

修道三者示現沙門出家相貌見者
歡喜遠離邪心四者袈裟即是人天
寶幢之相尊重敬禮得生梵天五者
著袈裟時生寶塔想能滅衆罪生諸
福德六者奉制袈裟染令壞色離五
欲想不生貪愛七者袈裟是佛淨衣
永斷煩惱作良田故八者身著袈裟
罪業消除十善業道念念增長九者
袈裟猶如良田能善增長菩薩道故
十者袈裟猶如甲冑煩惱毒箭不能
害故智光當知以是因緣三世諸佛
緣覺聲聞清淨出家身著袈裟三聖
同坐解脫寶牀執智慧劍破煩惱魔
共入一味諸涅槃界今時世尊而說
偈言

智光比丘應善聽 大福田衣十勝利
世間衣服增欲染 如來法服不如是
法服能遮世善耻 慙愧圓滿生福田
遠離寒暑及毒蟲 道心堅固得究竟
示現出家辭貪欲 斷除五見正修持
瞻禮袈裟寶幢想 恭敬生於梵王福
佛子披衣生塔想 生福滅罪感人天
肅容致敬真沙門 所為不染諸塵俗

本生心經卷第五 第六品

諸佛稱讚為良田 利樂羣生此為最
架梁神力不思議 能令修植菩提行
道芽增長如春苗 菩提妙果頻秋實
堅固金剛具甲冑 煩惱毒箭不能害
我今略讚十勝利 歷劫廣說無有邊
若有龍身披一縷 得脫金翅鳥王食
若人渡海持此衣 不怖龍魚諸鬼難
雷電霹靂天之怒 披袈裟者無恐畏
白衣若能親捧持 一切惡鬼無能近
若能發心求出家 默離世間修佛道
十方魔宮皆振動 是人速證法王身
復次智光菩薩出家佛子常行乞食
應捨身命不斷是心所以者何一切
有情皆依食住是以乞食利益無窮
汝等當知出家菩薩常行乞食有十
勝利云何為十一者常行乞食以自
活命出入自由不屬他故二者行乞
食時先說妙法令起善心然後自食
三者為不施人發大悲心為說正法
令起捨心而生勝福四者依佛教行
增長戒品福德圓滿智慧無窮五者
常行乞食於七九慢自然消滅眾所
恭敬是良福田六者於乞食時當得

如來無見頂相應受世間廣大供養
七者汝等佛子隨學此法住持三寶
饒益有情八者於乞食時不得為未
食故起希望心讚歎一切男子女人
九者行乞食時須依次第不應分別
貧富之家十者常行乞食諸佛歡喜
得一切智最為良緣智光菩薩我為
汝等略說如是十種利益若廣分別
無量無邊汝等比丘及未來世求佛道
者應如是學亦時世尊而說偈言
智光菩薩汝諦聽 出家大士應離貪
當發出世修信心 乞食頭陀為根本
凡夫住於有漏食 聖者悉依無漏食
有漏無漏諸聖凡 一切無不依食住
我為汝等諸佛子 開演出世二利行
三世如來所稱讚 乞食功德有十利
偏稱此行最為勝 出入自在無繫縛
先令施主發初心 令起菩提然後食
為除慳貪說妙法 能起大捨無量心
依大師教行乞食 增長無量諸梵行
七九種慢自除滅 為諸人天尊尊敬
如來頂相不可見 轉妙法輪化十方
盡未來際傳此法 令不斷絕三寶種

若為飲食起妄心 不應讚歎諸男女
起大悲悲平等意 不生分別貧富
清淨乞食佛所讚 一切種智從此生
三世如來出于世 為諸眾說四食
段觸思識為其四 皆是有漏世間食
唯有法喜禪悅食 乃是聖賢所食者
汝等厭離世間味 當求出世無漏食
復次智光菩薩出家佛子於諸醫藥不
應貪著若有病時住煎藥已所棄捨
藥訶梨毗梨及阿摩勒取是等藥即
應服之乃至一生服所棄藥於諸藥
等常生知足如是名為真實沙門出
家佛子恒服棄藥是人獲得十種勝
利云何為十一者為求藥草不近人
人永息貪求安住正念二者不淨觀
門易得成就出世之心能得堅固三
者於諸味恒不貪著速證正智殄
禪悅食四者於諸世間一切財物常
能知足早得解脫五者不近世間一
切凡夫親近出世清淨善友六者由
不嫌惡諸棄藥等於應飲食亦得解
脫七者於所重藥永不希望一切世
間無不尊故八者速能調伏諸煩惱

病證得如來常住法身九者永斷三界一切煩惱能療眾生身心重病十者能順佛教修菩薩行福智圓滿得大菩提智光當知我為汝等略說棄藥十種勝利如是妙行去來現在出家菩薩皆共修學汝等應當為諸眾生演說流布無令斷絕即為如來廣設供養世間所有財敬供養所不能及於菩薩行不復退轉速證無上正等菩提今時世尊重說偈言

智光比丘汝善聽 出家所服無垢藥 菩薩妙行此為先 眾生有病如已病 以大悲恩救眾苦 復用慈心施安樂 最上妙藥與他人 前人所棄而自服 菩薩不擇貴賤藥 但療眾病令安隱 取他所棄之餘藥 飲服以充治所疾 取他棄藥有十利 三世如來共稱讚 雖求醫藥不近世 永息追求住正念 不淨觀門易成熟 而能遠作菩提因 不著甘味離諸貪 當求法喜禪悅食 於世財寶能知足 獲得無漏七聖財 捨彼凡愚不共住 親近聖賢為良友 由是不嫌棄藥 亦於飲食斷貪求

法華心經卷第三 第十頌

珍勝妙藥不希望 世間所以咸尊重 能療身心煩惱病 悟得真如法性身 永斷三界諸習氣 證得無上真解脫 能順佛教趣菩提 福智圓滿報身果 汝等佛子皆修學 當坐金剛真道場 復次智光出家菩薩遠離喧闐住阿蘭若修攝其心無量千歲以求佛道 三世如來難諸喧闐寂然閑居萬行 增修證菩提果緣覺聲聞一切賢聖 證得聖果亦復如是其阿蘭若有十 種德能令證得三菩提果云何名為 十種勝德一者為得自在住阿蘭若 四威儀中不屬他故二者難我我所 名阿蘭若於樹下時無執著故三者 於臥具等無所愛著由斯當臥四無 畏牀四者阿蘭若處三毒微薄難貪 瞋癡所緣境故五者樂門蘭若修遠 難行不求人天五欲樂故六者能捨 喧闐住閑寂處修習佛道不惜軀命 七者愛樂寂靜離世言詞并捨凡愚無 散亂故八者世世間一切事業易得 成就無障礙故九者阿蘭若處是三 味室能得百千大三昧故十者清淨 如空以為舍宅心無障礙得大智故

法華心經卷第三

第十頌

智光當知阿蘭若處有如是等無量 功德以是因緣出家佛子若捨身命 不離山林若為護法供養病人師僧 父母出阿蘭若入聚落中宜速還歸 於蘭若處若有因緣未得歸者應作 是想今此聚落猶如山林所得財物 虛假如夢若有所得不應貪著如是 佛子是摩訶薩今時世尊重說偈言 智光汝等善諦聽 無煩惱人所住處 遠離喧闐處寂靜 此是神仙所居處 三世菩薩求菩提 於蘭若中成正覺 緣覺聲聞諸聖眾 亦於此處證菩提 住阿蘭若獲十利 能令證得三乘果 自在遊行如師子 四威儀中無繫縛 山林樹下聖所樂 無我我所名蘭若 衣服臥具無繫著 坐四無畏師子座 離諸煩惱名蘭若 一切貪愛無所著 常居物外歇塵勞 不樂世間五欲樂 遠離憤悶寂靜者 棄捨身命求佛道 能住寂靜無人聲 於諸散亂心不起 世出世間諸善業 心無障礙皆成就 由是蘭若為根本 能生百千諸三昧 以大空寂為虛室 行者身心無障礙 具足如是十勝利 是故眾聖常居止

法華心經卷第三

第十頌

智光洪等諸佛子 若欲速成一切智
乃至夢中莫捨離 阿蘭若處菩提道
我滅度後發心者 而能住於蘭若處
不久當坐寶華王 證得法身常樂果
余時世尊說是法時無量百千初發
心者於無上道得不退轉時智光等
諸菩薩眾得陀羅尼具大神通百萬
人天發菩提意悟三解脫今時如來
告諸大眾若有淨信善男子善女人
得聞如是四無垢性甚深法門受持
讀習解說書寫如是人等所生之處
過善知識修菩薩行永不退轉不爲
一切諸業煩惱之所擾亂而於現世
獲大福智住持三寶得自在力紹繼
佛種使不斷絕命終必生知足天宮
奉觀彌勒不退位龍華初會得聞
正法授菩提記速成佛道若欲願生
十方佛土隨其所願而得往生見佛聞
法究竟不退阿耨多羅三藐三菩提
大乘本生心地觀經阿蘭若品第五
今時會中有一菩薩摩訶薩名常精
進承佛威神即從座起偏袒右肩右
膝著地合掌恭敬而白佛言世尊如

本生心地觀經

卷第五

本生心地觀經

第四卷

佛所說阿蘭若處是菩提道場若有
發心求菩提者不應捨離阿蘭若處
是蘭若中有多眾生虎豹豺狼毒蟲
惡獸乃至飛鳥及與獵師不識如來
不聞正法又不敬僧此諸有情無復善
根遠離解脫何故如來令修學人住阿
蘭若速得成佛唯願世尊爲諸眾生
分別解說決疑令喜發菩提心使不
退轉今時佛告常精進菩薩善哉善
哉善男子汝以大慈問於如來清淨解
脫究竟未來諸修行者功德無量諦聽
諸善善思念之吾今爲汝分別演說阿
蘭若處種種功德唯然世尊願樂發
聞今時佛告常精進菩薩如汝所說
阿蘭若處得成聖者山林之中多諸
眾生以何因緣不得成佛是義不然
所以者何彼諸眾生不識三寶不知
厭足不識善惡於山林中雖有世間
種種珍寶而不能知伏藏之處菩薩
摩訶薩即不如是善男子菩薩能知
佛法僧寶是出世寶七珍伏藏是世
間寶悉能辨其種種色相知其所在
而不貪求亦不樂見何況手取菩薩

出家發堅固心不惜身命捨離父母
六親眷屬樂住山林常作是念假使
三千大千世界劫盡之時七日並出
火災熾然焚燒萬物日月星辰妙高
山王及七金山鐵圍山等時至皆散
三界之頂非非想天八萬劫盡還生
下地轉輪聖王千子圍繞七寶眷屬
四洲咸伏壽命報盡須臾不停我今
亦假使壽年滿一百歲七寶具足
受諸快樂瑛魔使至不免無常作是
思惟我今不如代其父母及諸眾生
修菩薩行當得金剛不壞之身還來
三界救度父母作是願已住阿蘭若
爲諸眾生發弘誓願上報菩薩發是
願言願我未得成佛已來常於露地
長坐不卧中報菩薩發是願言願我
未得成佛已來於樹葉中常坐不卧下
報菩薩發是願言願我未得成佛已
來於石室中常坐不卧如是三根出
家菩薩坐三種座各作是念過去菩
薩坐於此座而能證得陀羅尼門功
德自在過現未來諸菩薩等皆於此
座得陀羅尼修證自在我亦如是今

本生心地觀經

卷第五

三

生此處必當成就於陀羅尼而得自在若未成就得自在者終不捨離阿蘭若處或有菩薩未得圓滿四無量心終不捨離阿蘭若處或有菩薩未得圓滿五通神力終不捨離阿蘭若處或有菩薩未得圓滿六波羅蜜終不捨離阿蘭若處或有菩薩未得圓滿善巧方便終不捨離阿蘭若處或有菩薩未能調伏一切有情終不捨離阿蘭若處或有菩薩未得圓滿四種攝法終不捨離阿蘭若處或有菩薩未能修習六念之法終不捨離阿蘭若處或有菩薩未能成就多聞智慧終不捨離阿蘭若處或有菩薩未能成就堅固信力終不捨離阿蘭若處或有菩薩未能斷除六十二見終不捨離阿蘭若處或有菩薩未能修習八種正道終不捨離阿蘭若處或有菩薩未能永斷二障習氣終不捨離阿蘭若處或有菩薩未能圓滿隨病與藥微妙智慧終不捨離阿蘭若處或有菩薩未能圓滿大菩提心終不捨離阿蘭若處或有菩薩未能圓

法華經卷第五 若夫破五

滿恒沙三昧終不捨離阿蘭若處或有菩薩未能成就無量神通終不捨離阿蘭若處或有菩薩以定通力見十八空而心不驚如是大事若未成就終不捨離阿蘭若處或有菩薩未能圓滿一切智智終不捨離阿蘭若處或有菩薩未得圓滿一切種智終不捨離阿蘭若處或有菩薩未得修習三十七種菩提分法終不捨離阿蘭若處或有菩薩未得圓滿十地萬行終不捨離阿蘭若處或有菩薩於百劫中未能修行相好之業終不捨離阿蘭若處或有菩薩未得圓滿如來四智終不捨離阿蘭若處或有菩薩未能圓滿證大涅槃終不捨離阿蘭若處或有菩薩坐金剛座未能證得阿耨多羅三藐三菩提常坐不起是名菩薩阿蘭若行善男子出家菩薩發菩提心入於山林坐三種座鍊磨身心經三大劫而修萬行證得無上正等菩提今時世尊重說偈言昔諸如來因地時 住阿蘭若離塵處伏斷煩惱所知障 超過三界證菩提

法華經卷第五 若夫破五

過去菩薩修行願 以阿蘭若為舍宅阿僧祇劫修福智 十地究竟證三身未來菩薩求佛果 入於深山修妙行斷除二障生死因 當證三空真解脫現在十方諸菩薩 修持萬行住空閑不惜身命求菩提 念念證得無生智若欲速證深三昧 因修妙定起神通阿蘭若處心無諍 能慶大地為七寶若欲遊戲十方國 往來自在運神通供養諸佛利羣生 住阿蘭若無畏處欲證有無如幻智 了達諸法本來空住阿蘭若菩提場 令眾亦入真解脫若欲速得如如智 證會諸法如如性盡大劫海利羣生 當住蘭若空寂處若人欲得難思智 妙高山王納芥子山王芥子不壞相 入於蘭若神通室若人欲得無礙智 以一妙音演說法隨類眾生各得解 當住蘭若修妙觀若欲無生及無滅 應現十方諸國土放光說法利羣生 莫離蘭若空寂室若以足指按大地 令十方界皆振動觀相發心除邪見 當住蘭若觀自心若欲諸佛出現時 最初獻於微妙供

法華經卷第五 若夫破五

檀波羅蜜皆圓滿 住阿蘭若修妙行
若人於佛涅槃時 最後供養成檀義
永斷貧窮及八難 普願住於蘭若中
若欲福智皆圓滿 未來諸佛臨涅槃
受佛付囑廣弘宣 住阿蘭若修六念
若於諸佛涅槃後 結集遺法度衆生
助於諸佛讚真乘 住阿蘭若空寂舍
人天大師薄伽梵 難見難遇過優曇
若勤奉觀修供養 當住蘭若弘悲願
衆寶之尊法為最 成佛化利皆由此
如人欲得常聽法 住阿蘭若修梵行
始從今身至佛身 常願發心弘正教
乃至未得大菩提 念念不捨阿蘭若
若人欲報父母恩 代於父母發誓願
入阿蘭若菩提場 晝夜常修於妙道
若欲現世增福智 當來不墮八難中
如是有情發善心 住阿蘭若修悲願
三世菩薩求真覺 得道涅槃蘭若中
是故名爲大道場 三乘聖衆皆同處
菩薩狀若入山林 為度羣生求聖道
自未成佛先度他 六道四生皆悲愍
上報菩薩居露地 中報菩薩居葉中
下報菩薩居石室 未成佛道常不臥

三世菩薩住蘭若 得陀羅尼自在力
今我誓同菩薩心 未得總持恒止此
得大菩提在蘭若 入大圓寂由住處
菩薩起於金剛智 斷惑證真成妙覺
廣化衆生遊聚落 為求寂滅樂山林
萬行圓滿果亦圓 盡未來時度羣品
今時世尊演說如是出家菩薩阿蘭
那行無量菩薩證極喜地恒河沙等
無數菩薩永離相用微細煩惱證不
動地不可說不可說菩薩摩訶薩斷
一切障入妙覺地無邊有情發無等等
阿耨多羅三藐三菩提心九萬七千
衆生遠塵離垢得法眼淨

本生心地觀經卷第五

丙午歲高麗國大藏都監奉

勅雕造

本生心地觀經卷第五

第十張 臣

大乘本生心地觀經卷第六
離世間品第六
今時會中有一菩薩摩訶薩名樂遠
離行承佛威力從坐而起於大衆中
為諸菩薩說阿蘭若行普告一切諸
菩薩言出家菩薩住阿蘭若應作是
念以何因緣遠離世間修阿蘭若清
淨妙行諸佛子等一心諦聽我承佛
力今為汝等分別演說阿蘭若行諸
菩薩言善哉大士為我等宣及未來
世求菩提者唯願說之我等樂聞是
時樂遠離行菩薩告諸大衆一切世
間多諸恐怖怖出家菩薩為欲世間種
種恐怖捨離父母及諸眷屬住阿蘭
若修遠離行云何名為種種恐怖或
有菩薩而作是念我為恐怖一切煩
惱從我生故或有菩薩而說我所是
為恐怖一切煩惱我所生故或有菩
薩而說七慢是為恐怖起種種慢不敬
善人故或有菩薩以彼三毒而為恐
怖造無量罪墮惡道故或有菩薩以
彼五欲而為恐怖耽著世樂墮八難

故譬如世間有七步蛇若害人時毒力熾盛出過七步即便命殄一蛇毒力尚能損人何況五蛇共為傷殺毒力轉盛命難得全世間五欲亦復如是——欲樂各能引起八萬四千微細塵勞迷惑愚夫令墮地獄餓鬼畜生及餘難處受大苦惱何況具足貪著諸塵如恒河沙無數諸佛出興於世說法教化際光迎疾終不得見常在惡道猶於自家庭無暇中如戲園觀過去有佛欲令眾生捨捨五欲而說偈言

譬如飛蛾見火光以愛火故而競入不知焰炷燒然力奪命火中甘自焚世間凡夫亦如是貪愛好色而追求不知色欲深著人還被火燒來眾苦譬如羣鹿居林藪食於豐草而自養獵師假作母鹿聲尋聲中箭皆致死世間凡夫亦如是貪著種種可意聲不知聲能染著人還受三塗諸苦報譬如蜜蜂能飛遠遊於春林採眾花為愛醉象頻上香象耳因之而掩死世間凡夫亦如是愛著一切受用香

本生心地經卷第六

第二經

四

不知香能染著心生死輪迴長夜苦譬如龍魚處於水游泳沈浮而自樂為貪芳餌迷而不覺受味忘生皆致死世間凡夫亦如是舌根執味以資身殺佗自活心不平感得三塗極重苦譬如白象居山澤自在猶如師子王欲心醉亂馳昏迷追尋母象生貪深一切凡夫亦如是趣彼妙觸同狂象思受纏綿不休息死入地獄苦難量世間男女互貪求皆由樂著諸色欲人天由此被纏縛墮墜三塗黑闇中若能捨離貪欲心住阿蘭若修梵行必得超於生死苦速入無為常樂宮或有菩薩以貪多財而為恐怖自己財寶恒求積聚而不用何況能施貧乏眾生於已財寶深生貪著於佗財寶欲令損減以是因緣命亦之後墮大地獄受無量苦如是苦報名為第一正感之果從地獄出受畜生身身常勞苦水草不足經多時中酬損佗財如是眾苦名為第二正感之果受是罪已生餓鬼中困飢渴苦無量千劫不聞漿水飲食之名其咽如針

本生心地經卷第六

第二經

五

其腹如山縱得飲食隨變為火如是苦身為第三正感之果畢是罪已來生人聞貧窮下賤為佗所使於諸財寶所求難得於一切時而不自在如是餘報名相似果一切菩薩分明知見如是因果常生恐怖欲求解脫由是恐怖遠離眷屬住阿蘭若或有菩薩以渴愛心而為恐怖於諸未得一切財寶日夜追求生渴愛故或有菩薩我我所見而為恐怖為諸煩惱惱作依止故或有菩薩以諸法見而為恐怖與所知障作依止故或有菩薩六十二見而為恐怖入邪見林難出離故或有菩薩疑為恐怖於真正法生疑惑故或有菩薩以彼斷見而為恐怖執無後世撥無因果生大邪見入地獄故或有菩薩以彼常見而為恐怖執五趣身恒常決定隨善惡業無變易故或有菩薩以彼嫉妒而為恐怖不耐佗榮懷惡心故或有菩薩常以掉舉而為恐怖心不寂靜生散亂故或有菩薩以不信心而為恐怖如人無手雖至寶山終無所得無信手者雖遇三寶無所得

本生心地經卷第六 第四經

故或有菩薩以彼無慚而為恐怖內
無著恥常造諸惡業障無明難見佛
故或有菩薩以無愧心而為恐怖外
無羞恥棄恩背德生死輪迴墮三塗
故或有菩薩以忿恨等而為恐怖能
損自佗互為惡結於多劫中障佛道
故或有菩薩以彼忘失而為恐怖於
所聞法不能憶持忘失文義增愚癡
故或有菩薩乃至一切不善黑業而為
恐怖何以故一切不善是生死因輪轉
三界不得出離於是無量無邊恐怖
皆能障礙出世勝法或有菩薩以五
種蓋而為恐怖五種煩惱覆蓋菩薩
菩提心故或有菩薩以憎惡心而為
恐怖於諸衆生無憐愍心修善提行
多退轉故或有菩薩以破戒垢而為
恐怖汙穢聖法難得果故或有菩薩
以彼憂惱而為恐怖妄想熾然失善
業故或有菩薩以惡作心而為恐怖
於所修善生追悔故或有菩薩而說
狂醉是為恐怖不識善惡無尊卑故
或有菩薩以非時死而為恐怖不住
正念歸無常故或有菩薩以妄語業

而為恐怖生生世世所有言說一切
衆生不信受故或有菩薩以四顯側
而為恐怖由四顯側輪迴生死起煩
惱業不求佛故或有菩薩而說惡友
是為恐怖隨不善友造惡業故或有
菩薩以五惡魔而為恐怖是五惡身
從煩惱生已即起無量煩惱諸
煩惱造不善業由諸惡業墮大深坑
以是因緣而生恐怖或有菩薩以煩
惱魔而為恐怖大小煩惱能壞生死
退菩提心墮惡道故或有菩薩厭患
死魔而為恐怖發菩提心未得不退
身壞命終生退轉故或有菩薩以諸
天魔而為恐怖天魔眷屬充滿欲界
障修道人退菩提故或有菩薩以無
記心而為恐怖於諸善法不能進修
空過長時退善業故或有菩薩以彼
八難而為恐怖墮八難者從冥入冥
生死長夜難遇明故或有菩薩觀彼
地獄而為恐怖一墮地獄經無量劫
受大苦惱難解脫故或有菩薩觀畜
生道而為恐怖傍生界中受愚癡報
經無量劫難出離故或有菩薩觀餓鬼

道而為恐怖於恒沙劫受飢渴苦難
可值遇佛法僧故或有菩薩想欲界
生而為恐怖煩惱難起造諸惡業墮
三塗故或有菩薩以彼色界而為恐
怖有覆煩惱能障定故或有菩薩以
無色界而為恐怖三界之中最為寂
靜猶如涅槃有情妄執而為究竟劫
盡命殞墮地獄故或有菩薩數數生
死而為恐怖生邪見家難出離故或
有菩薩厭離生死而為恐怖死此生
彼常受苦惱障菩薩行求涅槃故或
有菩薩以世間語是為恐怖心常散
亂妨善業故或有菩薩以心意識而
為恐怖所緣行相不可知故若在俗
家由斯恐怖晝夜相續擾亂善心不
能證得無恐怖法過去菩薩住阿蘭
若皆能證得無恐怖法即是阿耨多
羅三藐三菩提未來菩薩住阿蘭若
悉皆當得無恐怖法阿耨多羅三藐
三菩提現在十方諸大菩薩住阿蘭
若斷一切障得無恐怖阿耨多羅三
藐三菩提沒等當知隨應修學三世
菩薩攝念身心住阿蘭若調伏妄想

永無恐怖究竟阿耨多羅三藐三菩提復次出家菩薩住阿蘭若當作何業作何等念日夜常作如是思惟世間所有一切恐怖皆從我生一切恐怖著我生故一切恐怖我為根本故一切恐怖我愛生故一切恐怖我想生故一切恐怖我見生故一切恐怖我為住處一切恐怖因我生故一切恐怖分別生故一切恐怖煩惱生故一切煩惱我愛生故若我住在阿蘭若處不能捨離我所執不應住是阿蘭若中不如還住白衣屋舍何以故若有我想不應住止阿蘭若處若有補特伽羅相者不應住止阿蘭若處若人具有我我所執不應住止阿蘭若處若有法見不應住止阿蘭若處若有具此四顛倒執不應住止阿蘭若處汝等諦聽若有修行作涅槃相不應住止阿蘭若處何況更起諸煩惱相汝等諦聽若有不著一切法相應當安住阿蘭若處是名當坐無著道場一切諸法皆不可得若心調柔無有諍論應當安住阿蘭若處於世因緣都無所著應當安住

若生心此經第六 第八段

四

阿蘭若處於色聲香味觸等法無依止者應當安住阿蘭若處於一切法有平等見應當安住阿蘭若處於四威儀能調自心應當安住阿蘭若處能捨一切諸恐怖者應當安住阿蘭若處諸佛子等以要言之於諸煩惱得解脫者應當安住阿蘭若處若得成就涅槃因者應當安住阿蘭若處能善修行四無垢性應當安住阿蘭若處若有少欲能知足者應當安住阿蘭若處具足多聞有智慧者應當安住阿蘭若處若能修行三解脫者應當安住阿蘭若處永斷能縛煩惱結者應當安住阿蘭若處能審觀察十二因緣應當安住阿蘭若處所作已辦者應當安住阿蘭若處捨諸重擔者應當安住阿蘭若處證悟具如深妙理者應當安住阿蘭若處汝等當知阿蘭若處種種藥草大小樹木生阿蘭若曾無恐怖亦無分別菩薩摩訶薩住阿蘭若亦復如是觀自身心猶如枯樹牆壁瓦礫等無有異於一切法無有分別我觀身心猶如幻夢中無有

若生心此經第六 第九段

四

實念念衰者其息出已更不復入由善惡因隨業受報是身無常速起速滅是身虛假終不久停如是身中無我我所無有情無命者無養育者無士夫者無補特伽羅者無作業者無童兒者如是等相本來空寂猶如虛空亦如泡沫常應念作如是觀一切恐怖皆得解脫如彼樹木無有恐怖時諸菩薩得大安樂無畏坐處是名菩薩住阿蘭若求阿耨多羅三藐三菩提復次出家菩薩住阿蘭若晝夜相續應如是觀是阿蘭若善能修習四無垢性安樂之處是阿蘭若善能修習知足之處是阿蘭若於諸煩惱得解脫處是阿蘭若具足多聞智慧之處是阿蘭若伏斷煩惱所知障處是阿蘭若能入三種解脫門處是阿蘭若善能證得八解脫處是阿蘭若善能觀察十二緣處是阿蘭若善能斷除業障之處是阿蘭若能得初果預流之處是阿蘭若能得第二果處是阿蘭若能得第三不還果處是阿蘭若能得第四果阿羅漢處是阿蘭若能證得辟支佛果之處是阿蘭若已

若生心此經第六 第十段

四

辨所作得自在處是阿蘭若捨諸重擔得輕安處是阿蘭若證得二空具如之處是阿蘭若能修證無量大慈心處是阿蘭若能修證無量大悲心處是阿蘭若能善修習喜無量處是阿蘭若能修習捨無量處是阿蘭若能發菩提心處是阿蘭若菩薩修持到十信處是阿蘭若復次進修到十住處是阿蘭若展轉增修到十行處是阿蘭若展轉修到十迴向處是阿蘭若能修習四善根處是阿蘭若能修六度波羅蜜處是阿蘭若能修行初地至十地處是阿蘭若能證得六根清淨之處是阿蘭若能證得天眼通處是阿蘭若能得天耳通及宿住智生死智明神境住心如是通處是阿蘭若能慚愧處是阿蘭若不放逸處是阿蘭若能修五根處是阿蘭若能證得無量無邊三昧之處是阿蘭若能得恒沙陀羅尼門證自在處是阿蘭若能悟無生忍是阿蘭若能永出三界斷生死處是阿蘭若能不退轉是阿蘭若能降伏一切衆魔怨敵銷除業障見佛聞法如是之處是阿蘭若能得佛不共最

上法門是阿蘭若能修習戒蘊清淨之處是阿蘭若能出生無漏三摩地處是阿蘭若能生般若若證解脫處是阿蘭若能生解脫知見之處是阿蘭若能得三十七菩提分法是阿蘭若能善修攝十二頭陀是阿蘭若能智能分別諸理住處是阿蘭若能永離有漏五蘊生處是阿蘭若能得解脫十二入處是阿蘭若能永離有漏十八界處是阿蘭若能微妙觀察十八空處是阿蘭若能客受一切諸法空處是阿蘭若能增長十善法生之處是阿蘭若能增長堅固菩提心處是阿蘭若能三世諸佛讚歎之處是阿蘭若能一切菩薩恭敬讚歎如是之處是阿蘭若能毗婆尸佛於尼俱陀樹下成道是阿蘭若能尸棄如來於尸利沙樹下成道是阿蘭若能毗舍如來阿尸婆多樹下成道是阿蘭若能俱留孫佛無憂樹下成道是阿蘭若能俱那含牟尼如來優曇樹下成等正覺是阿蘭若能迦葉如來娑陀樹下成等正覺是阿蘭若能釋迦如來於畢鉢羅樹下成道之處汝等當知阿蘭若能如是等無量

無邊功德勝利命時樂遠離行菩薩爲諸大衆而說偈言

出家菩薩住蘭若 當作何念及何業
世間所有諸恐怖 皆從我見我所生
若能斷除我我所 一切恐怖無所依
若有能執我見心 畢竟不成菩提道
涅槃常住皆無相 何況煩惱非法相
不著諸法及衆生 心無諍論於正念
四威儀中調伏心 應住蘭若常寂靜
能斷煩惱心知足 住於蘭若空寂舍
入三解脫無相門 住於蘭若離塵垢
能觀十二因緣法 四諦二空具妙理
世間八法不傾動 如是太士住蘭若
能觀自身如枯木 亦如水沫及幻夢
不著二邊平等相 如是薩埵住蘭若
罪業纏縛無常身 本來虛假元無實
我法二執及罪相 於三世中不可得
自身住身無有二 一切諸法亦如是
諦觀法性無去來 如是菩薩住蘭若
梅檀塗身及讚歎 以刀屠割并罵辱
於此二人無愛憎 如是菩薩住蘭若
出家樂住阿蘭若 晝夜應作如是觀
阿蘭若能真道場 一切如來成正覺

阿蘭若處妙法空 出世正法之所生
阿蘭若處聖所尊 能生三乘聖道故
阿蘭若處聖所宅 一切聖賢常住故
阿蘭若處如來宮 十方諸佛所依故
阿蘭若處金剛座 三世諸佛得菩提
阿蘭若處涅槃宮 三世如來圓寂故
阿蘭若處大慈室 菩薩住此修慈故
阿蘭若處是悲田 三世諸佛修悲故
阿蘭若處六通室 菩薩於此遊藏故
阿蘭若處大無畏 能斷一切恐怖故
阿蘭若處三摩地 諸求道者得定故
阿蘭若處陀羅尼 諸持咒人神力故
阿蘭若處善法堂 增長一切善法故
阿蘭若處善提室 菩薩修得忍故
若欲永超三界苦 菩提涅槃當證
遍周法界利羣生 應居阿蘭若善提室
所修六度四攝法 迴施三有及四恩
自忙俱入甘露城 同證一如真法界
余時樂遠離行菩薩摩訶薩為諸大
眾說是法已佛言善哉善哉善男子
汝為大眾及未來世求佛道者分別
演說阿蘭若處殊勝功德利益安樂
現在未來一切眾生趣向菩提正真

本生心地觀經卷第六 第十四

覺道汝所成就無量功德千佛共說
不能窮盡余時會中智光菩薩無量
阿僧祇菩薩大眾聞阿蘭若最勝功
德即得聞持陀羅尼門無量眾生發
無等等阿耨多羅三藐三菩提心得
不退轉千億眾生遠塵離垢得法眼淨
大乘本生心地觀經狀身品第七
余時彌勒菩薩摩訶薩即從座起偏
袒右肩右膝著地合掌恭敬而白佛
言世尊我等既悟出家菩薩摩訶薩
狀離世間住阿蘭若調伏其心修無
垢行然此菩薩住空閑處自於是身
應作何觀
余時佛告彌勒菩薩言善哉善哉善男
子汝為眾生起大悲心請問如來入
聖智觀妙行法門汝當善聽今為汝
說唯然世尊願樂欲聞善男子出家
菩薩住阿蘭若求阿耨多羅三藐三
菩提時四威儀中微細觀察是有漏
身三十七種不淨穢惡是不可愛是
不堅牢當觀此身猶如坏器外以雜
彩金銀七寶巧飾莊嚴內以糞穢種
種不淨填塞充滿兩肩擔負隨途而

本生心地觀經

卷第六

七

行其有見者皆生愛樂不知器中盛
滿不淨有六黑蛇常在此器一蛇隨
動器即破壞毒害臭惡竟無所堪世
間之人莊嚴其身如彼彩畫盛不淨
器貪嗔癡三名為心病風黃痰瘰名
為身病內外六病能害身心如彼六
蛇居於器內一一蛇動器即破壞一
一病發身即無常善男子出家菩薩
處於空閑觀察是身為第一不淨
觀相出家菩薩於日夜中又觀自身
臭穢不淨猶如死狗何以故彼身亦
是父母不淨為生緣故出家菩薩又
觀自身如蟻子臺安住衆蟻時有白
象來至臺邊以身觸臺臺即崩碎善
男子此臺所謂五蘊之身白象是為
琉璃魔羅使身歸後世如象壞臺出家
菩薩又觀自身而作是念我今此身
從頂至足皮肉骨髓共相和合以成
其身猶如芭蕉中無實故出家菩薩
又觀自身無有強力皮肉薄覆如塗
附牆億萬毛髮如草生地微細風大
出入毛孔誰有智者當樂此身剎那
剎那衰敗轉故出家菩薩又觀自身

本生心地觀經卷第六

第十六

八

◇高麗大藏經◇

五二二

如養毒蛇而取其害我今雖以飲食衣服資長是身而不識恩畢竟還令墮於惡道出家菩薩又觀自身譬如怨家詐作親友伺求其便而將毒藥漸彼命損我身如是不非真寶終致無常非聖愛故出家菩薩又觀自身如水上泡雖復妙好瑠璃珠色剎那因緣起滅無恒有為念念不入住故出家菩薩又觀自身如乾闥婆城雖現相狀而不實有今者我身亦復如是出家菩薩又觀自身猶如影像我身亦亦雖有非真出家菩薩又觀自身譬如外國強寇今者我身亦復如是煩惱怨敵侵掠善根出家菩薩又觀自身如朽舍宅雖加修葺當必崩壞我身亦亦雖加愛念當必無常出家菩薩又觀自身如近怨國城邑人民常懷恐怖今者我身亦復如是於念念中畏無常怨出家菩薩又觀自身如無量薪為火燒爇然是猛火曾無厭足我身亦亦以貪愛火燒五欲薪其心增長亦復如是出家菩薩又觀自身如新生子慈母憐愍恒

加守護我身亦亦若不守護病之身心即便不能有所修證出家菩薩又觀自身本性不淨譬如有人歌患炭色設諸方便以水洗之經無量時黑色仍舊乃至炭盡終無所益我身亦亦有漏不淨假使海水盡未來際洗之無益亦復如是出家菩薩又觀自身如油汲薪以火焚燒又遇大風勢不可止是身亦亦名五蘊薪汲貪愛油縱瞋恚火愚癡風力無有休息出家菩薩觀於自身猶如惡疾四百四病所住處故亦如大腸八萬四千蟲所住故是無常處出息不還即無常故亦如非情神識易脫同瓦石故亦如河水剎那前後不覺住故亦如壓油於一切事受勞苦故無所依者猶如嬰兒失父母故無救護者猶如蝦蟆蛇所吞故如穴無底心心所法不可知故恒不知足於五欲樂心無厭故恒不自在斷常二見所繫縛故不生慙愧雖蒙養育棄捨主故亦如死屍於日夜分近滅壞故唯受諸苦於一切處無真樂故為苦所依一切眾

苦依身住故如空聚落於是身中無主宰故畢竟空寂徧計所執妄構畫故如谷中響皆是虛妄所顯現故亦如船舶若無船師即漂沒故亦如大車運載財寶何以故乘於大衆到菩提故善男子出家菩薩日夜觀察非不愛惜如是之身欲令衆生出生死海到彼岸故

今時世尊說是法已告彌勒菩薩摩訶薩言善男子修如是行此則名為出家佛子所觀法要若有佛子發菩提心為求阿耨多羅三藐三菩提住阿蘭若修習如是三十七觀亦敬他譬如如是法要解脫書寫受持讀習遠離一切我我所執永斷貪著五欲世樂速能成就就不壞信心求大菩提不惜軀命何況世間所有珍寶現身必得究竟成滿一切如來金剛智印於無上道永不退轉六度萬行遠得圓滿疾成阿耨多羅三藐三菩提余時會中八萬四千新發意菩薩深厭世間得大忍力不復退轉於無上道百千婆羅門發菩提心成熟信根

得不退轉三萬六千善男子善女人
遠離塵垢得法眼淨

大乘本生心地觀經卷第六

乙巳歲高麗國大藏都監奉

勅雕造

本生心地觀經卷第六

第三

大乘本生心地觀經卷第七

三

新賓國藏沙門般若奉

詔譯

波羅蜜多品第八

尔時弥勒菩薩摩訶薩白佛言世尊
以何日緣慈觀稱讚住阿蘭若修善
薩行而文稱讚住於餘處修善薩行
如來一時在靈鷲山為諸菩薩廣說
法要而作是言菩薩或時止姪女家
親近屠者示教利喜無數方便饒益
衆生為說妙法今入佛道世尊今日
為新發意所說妙法而不如是然我
等親親於佛前得聞深法無有疑惑
唯願如來為未來世求佛道者演說
甚深微妙真經今菩薩行無復退轉
尔時佛告弥勒菩薩摩訶薩善男子
發阿耨多羅三藐三菩提心求菩提
道有二菩薩一者在家二者出家在家
家菩薩為欲化導姪室屠肆皆得親
近出家菩薩則不如是然此菩薩各
有九品上根三品皆住蘭若無間精
進利益有情中下二根諸菩薩等隨
宜所住方處不定或住蘭若或居衆

落隨緣利益安隱衆生如是行門汝
應觀察

復次善男子出家菩薩修習佛道已
得無漏真實之法隨緣利樂一切有
情若有佛子未得眞智住於蘭若重
當親近諸佛菩薩若有值遇眞善知
識於菩薩行必不退轉以是因緣諸
佛子等應當至心求見一佛及一菩
薩善男子如是名為出世法要汝等
咸當一心修學

復次善男子出家菩薩欲離世間住
阿蘭若省用功力得圓八万四千波
羅蜜行速證阿耨多羅三藐三菩提
所以者何若捨名利住山林者於身
命財必無惋惜永無繫屬自然易滿
三種波羅蜜多弥勒菩薩白佛言世
尊住阿蘭若出家菩薩不畜財寶以
何因緣能得圓滿檀波羅蜜
佛告弥勒菩薩摩訶薩善男子住阿
蘭若出家菩薩入於聚落所乞之食
先以少分施於衆生又以餘分施於
所欲即得名為檀波羅蜜以自身命
供養三寶頭目髓腦施來求者即得

本生心地觀經卷第七

第三

名為親近波羅蜜為求法者說出世
法今發無上菩提心故即得名為真
實波羅蜜善男子是名出家菩薩成
就市施波羅蜜多復次善男子出家
菩薩住阿蘭若故修十二頭陀之行
若行步時看二肘地不損眾生即得
名為持戒波羅蜜堅持禁戒不惜軀
命即得名為親近波羅蜜為求出世
說法教化今發無上菩提之心即得
名為真實波羅蜜善男子是名出家
菩薩成就持戒波羅蜜多復次善男
子出家菩薩住阿蘭若能減瞋恚
得慈心三昧亦無毀辱一切眾生即
得名為忍辱波羅蜜若為一人說一
句法今發阿耨多羅三藐三菩提心
即得名為真實波羅蜜善男子是名
出家菩薩成就忍辱波羅蜜多復次
善男子出家菩薩為令眾生得成佛
故修精進行未得成佛福智羸弱不
貪安樂不造眾罪於苦菩薩行苦行
中深生歡喜趣敬宗仰常無休息以
是因緣即得名為精進波羅蜜棄捨
身命如捐涕唾一切時中未嘗懈怠

即得名為親近波羅蜜遇有緣者說
最上道今趣無上正等菩提即得名
為真實波羅蜜由精進心如是十行
過去不退現在堅固未來速滿善男
子是名出家菩薩摩訶薩成就精進
波羅蜜多復次善男子出家菩薩住
阿蘭若修習三昧為攝善法今不散
失入諸解脫永新邊見現於神通化
彼眾生今得正智斷煩惱本入真法
界悟如實道當趣菩提以是因緣即
得名為禪定波羅蜜欲令眾生如我
無異悉得滿足調伏有情不捨三昧
不惜身命修此三昧即得名為親近
波羅蜜為諸眾生說深妙法皆令趣
向無上菩提即得名為真實波羅蜜
善男子是名出家菩薩成就禪定波
羅蜜多復次善男子出家菩薩處於
空閑親近供養諸佛菩薩一切智者
常樂聽聞甚深妙法心生渴仰恒無
厭足善能分別二諦真理斷除二障
通達五明說諸法要能決眾疑以是
因緣即得名為般若波羅蜜為求半
偈棄捨身命不憚眾苦志求菩提即

得成就親近波羅蜜於大會中為人
說法於深妙義無所秘惜能令發起
大菩提心於菩薩行得不退轉常能
觀察我身蘭若及菩提心真實法身
如是四種無有差別如是如是觀妙
理故即得名為真實波羅蜜善男子
是名出家菩薩成就般若波羅蜜多
復次善男子出家菩薩住空閑處常
能修習方便勝智波羅蜜多以他心
智能了有情意樂煩惱心行差別應
病與藥悉令除老白在遊戲神通三
昧發大悲願成熟眾生諸佛之法無
不通達以是因緣即得名為方便善
巧波羅蜜多為欲饒益諸眾生故於
身命財物不固惜即得名為親近波
羅蜜多為諸眾生怨親平等說微妙
法今入佛智即得名為真實波羅蜜
多善男子是名出家菩薩成就方便
善巧波羅蜜多復次善男子出家菩薩
入於山林為諸眾生常能修習願波
羅蜜心恒觀察諸法真性非有非空
中道妙理於世俗事悉能辨了為化
有情恒修慈悲以是因緣即得名為

願波羅蜜以四弘願攝受眾生乃至捨身不壞悲願即得名為親近波羅蜜說微妙法辯才無礙若有聽聞畢竟不退即得名為真實波羅蜜善男子是名出家菩薩成就願波羅蜜多復以善男子出家菩薩住阿蘭若以正智力善了有情心行黑白能為眾生說相應法令入大乘甚深妙義即能安住究竟涅槃以是因緣即得名為力波羅蜜以正智眼照見五蘊空寂之理能捨身命利眾生故即得名為親近波羅蜜以妙智力化邪見眾令斷輪迴生死惡業趣向常樂究竟涅槃即得名為真實波羅蜜善男子是名出家菩薩成就力波羅蜜多復以善男子出家菩薩住阿蘭若於一切法了知善惡遠離邪見攝受正法不厭生死不樂涅槃即得名為智波羅蜜不愛自身憐愍眾生於身命財恒捨大捨即得名為親近波羅蜜以微妙智為諸眾生說一乘法令入阿耨多羅三藐三菩提以是因緣即得名為真實波羅蜜善男子是名出家

本生地觀經卷第七

第六波 庄

菩薩成就智波羅蜜多善男子此如是等波羅蜜多以何義故說為八萬四千老別汝等當知為多貪者分別演說二千一百波羅蜜多為多瞋者分別演說二千一百波羅蜜多為多癡者分別演說二千一百波羅蜜多為等分者分別演說二千一百波羅蜜多善男子於如是等二千一百波羅蜜多以為根本轉增十倍遂成八萬四千波羅蜜多如是等法皆利他行善男子若有眾生其性難調聞是法已心未調伏即為宣說八萬四千諸三昧門如是妙法皆自利行若有眾生其性難調聞是法已心未調伏即為宣說八萬四千陀羅尼門如是妙法皆利他行善男子我為調伏一切有情說如是法及以無數善巧方便現種種相教化眾生善男子以是義故一切人天普攝如來名為導師善男子未來現在諸佛世尊悉皆修習八萬四千波羅蜜門八萬四千諸三昧門八萬四千陀羅尼門永斷八萬四千微煩惱障八萬四千微所知障

本生地觀經卷第七

第七波 庄

皆詣蘭若菩提樹王坐金剛座入金剛定降伏一切天魔怨已證得阿耨多羅三藐三菩提提命時世尊欲重宣此義而說偈言
超過三界大法王 出現世間化羣品
恒河沙等諸菩薩 入佛甘露智慧門
歷劫得道慈氏尊 以大悲心而啓問
善哉無垢法王子 智慧能問已具佛乘
我以師子無畏辯 說大乘中趣覺路
汝等一心善諦聽 轉授未來所應授
十方世界可使空 無令新盡出世道
將求解脫出世道 不過三根九品類
上根三品居蘭若 中下隨緣化世間
所求道果等無老 同證真如佛性海
已獲無漏真大士 隨宜應現濟羣生
開示有空不二門 自利利他無間斷
未得無漏諸佛子 應正勤修三種學
善根迴向施眾生 一心專念佛菩薩
願我常觀佛菩薩 無邊莊嚴功德身
若使恒聞法雨音 普得同霑心不退
以身常處於地獄 非不親近大慈尊
以身常處於輪迴 非不親聞微妙法
以是因緣諸佛子 繫心常念大天師

本生地觀經卷第七

第八波 庄

若有佛子修即道
 欣世住於蘭若中
 每日自食先布施
 三輪清淨是檀那
 當知證獲波羅蜜
 若有染心施珍財
 財施即得名檀度
 能施身命及妻子
 若有求法善男子
 今發無上菩提心
 慈悲爭信具慚愧
 願成如來無上智
 堅持菩薩三聚戒
 擁護佛法住世間
 伏願志心慈悲觀
 不惜軀命救眾生
 能行難行不計捨
 不共染汙恒鍊心
 入出三昧得自在
 為新眾生煩惱因
 若欲成就真智慧
 樂聞出世妙理門
 能知眾生心差別
 發起無上菩提心
 亦得名修三種度
 兼將法寶施眾生
 以此修因德圓滿
 唯由心淨不由財
 不如淨心施少分
 此波羅蜜非二三
 如是得名親近度
 為說一切大乘經
 乃名真實波羅蜜
 攝受眾生離於貪
 財法二施名初度
 開發菩提離生死
 能悔過犯真持戒
 當念宿因對怨害
 是名忍辱波羅蜜
 三僧祇劫常增進
 為度有情求解脫
 變化神通遊十方
 三摩地門求解脫
 親近菩薩及如來
 修達三明劫二障
 隨病與藥令服行

本志地觀經卷第七

第九 莊

慈悲善巧應根宜
 方便利生度羣有
 觀一切法真句義
 不著中邊離有無
 淨智無間會真如
 二利均平周法界
 智力能入眾生性
 為說相應種種法
 智力能入眾生心
 今斷輪迴生死本
 智力能分黑白法
 隨應取捨各了知
 生死涅槃本平等
 成就有情離分別
 如是十種殊勝行
 攝入八萬四千中
 隨其品類勝法門
 乃名菩薩波羅蜜
 八萬四千三摩地
 能滅眾生散亂心
 八萬四千總持門
 能除惑障鎖魔衆
 大聖法王方便力
 三種法要化眾生
 救網垂於生死海
 置彼人天安樂處
 亦時世尊說是法時
 八萬四千初利
 天子新三界障證歡喜地無數百千
 六欲天子悟無生忍得陀羅尼十六
 大國王得聞持陀羅尼無量四眾聞
 菩薩行或得不退地或得三昧門或
 得陀羅尼或得大神通或有菩薩證
 二三地乃至十地踴躍歡喜無量百
 千諸人天等發阿耨多羅三藐三菩
 提心不復退轉八千人天遠塵離垢
 得法眼淨

本志地觀經卷第七

第十 莊

大乘本生志地觀經功德莊嚴品第九
 今時弥勒菩薩摩訶薩白佛言世尊
 如佛所說住阿蘭若功德成就當得
 作佛菩薩云何修諸功德而能住是
 阿蘭若中唯願世尊為我解說
 今時佛告弥勒菩薩摩訶薩言汝善
 男子當修學者但有一德是人應住
 阿蘭若處求無上道云何為一謂觀
 一切煩惱根源即是自心了達此法
 堪能住止阿蘭若處所以者何譬如
 狂犬被人驅打但逐瓦石不逐於人
 未來世中住阿蘭若新發心者亦復
 如是若見色聲香味觸法其心染著
 是人不知煩惱根本不知五境從自
 心生即此名為未能善住阿蘭若處
 以是因緣樂住寂靜求無上道一切
 菩薩摩訶薩等若五欲境現前之時
 觀察自心應作是念我從無始至于
 今日輪迴六趣無有出期皆自妄心
 而生迷倒於五欲境貪受染著如是
 菩薩名為堪住阿蘭若處若有人問
 何等有情於未來世當得作佛應指
 是人於當求世出三界苦破四魔軍速

本志地觀經卷第七

第三 莊

成菩提入佛智慧一切世間天龍八部阿蘇羅等皆應供養若善男子及善女人以清淨心供養如是住阿蘭若真善佛子所獲福德無量無邊若復有人以眾珍寶供養悲母所獲功德亦無差別何以故是人當得阿耨多羅三藐三菩提轉正法輪度人天眾紹三寶種使不斷絕當為眾生作歸依故復次善男子有二種法繫縛行者令不堪任住阿蘭若一者愛樂斷見邪法二者愛樂財寶樂具又善男子有二種人不堪居住阿蘭若一者具足憍慢二者惡大乘法又善男子有二種人不應居住阿蘭若一者邪見不信佛語二者身自破戒策役持戒如是等人不應居住阿蘭若復求無上道復次善男子具四種德應當安住阿蘭若一者云何為四一者多聞摠持不忘二者分明能解妙義三者正念常不放逸四者隨順如未教行善男子若有佛子成就如是四種勝德應當安住阿蘭若復修菩薩行求無上道復次善男子出家菩薩

六十二卷經卷第七

第十二

復有四德莊嚴自身住阿蘭若求佛智慧云何為四一者大慈二者大悲三者大喜四者大捨善男子如是四法能生一切福德智慧利益安樂無量眾生速證無上大菩提法復次善男子出家菩薩復有四德持戒清淨能至菩提云何為四一者恒住四無垢性二者常行十二頭陀三者遠離在家五家四者永離諍訟嫉妬善男子一切菩薩依此四法永離生死得大菩提復次善男子出家菩薩復有四法攝一切善云何為四一者淨持禁戒復有多聞二者入諸三昧能具智慧三者得六神通兼修種智四者善巧方便又不放逸善男子如是四法三世菩薩共所修學汝等佛子亦應修習疾證廣大無上菩提復次善男子出家菩薩具四種法於菩薩行得不退轉云何為四一者布施二者愛語三者利行四者同事善男子如是四行趣菩提路利生根本一切菩薩皆應修學復次

六十二卷經卷第七

第十三

善男子出家菩薩復具四德住於蘭若持戒清淨莊嚴自身云何為四一者觀察自無本性伏斷二執證無我故二者他身亦無本性於怨親所離憎愛故三者身心快樂心心所法無分別故四者得平等智生死涅槃無差別故善男子如是四法一切菩薩所應修習汝等佛子亦當修習速趣無上正等菩提復次善男子一切菩薩復有四願成熟有情住持三寶經大劫海終不退轉云何為四一者誓度一切眾生二者誓斷一切煩惱三者誓學一切法門四者誓證一切佛果善男子如是四法大小菩薩皆應修學三世菩薩所學處復次善男子出家菩薩復有四法住阿蘭若持戒清淨云何為四一者愛樂空性空所顯故二者得無恐怖證三昧故三者於諸眾生起大悲願四者於二無我無厭背心善男子如是四法一切菩薩入聖要門依此四法斷二障故復次善男子出家菩薩復有四法住阿蘭若善持禁戒莊嚴其身云何為

六十二卷經卷第七

第十四

四一者永捨我見二者捨我所見三者離斷常見四者深能悟解十二因緣善男子如是四法能除毀禁守誡淨戒莊嚴其身復次善男子出家菩薩住阿蘭若又觀四法能護禁戒妙行增修趣求佛智云何為四一者觀察五蘊生滅二者觀十二處如空聚落三者觀十八界性同法界四者於俗諦法無捨無著善男子如是四法一切菩薩所應修學是故佛子住阿蘭若一心修習求無上道復次善男子出家菩薩住阿蘭若具足四種持戒清淨莊嚴自身云何為四一者成就就不見身觀二者成就就不見語觀三者成就就不見意觀四者遠離六十二見善能成就一切智觀善男子若有佛子成就如是四種清淨現身證獲正性離生乃至速證無上菩提以是因緣汝等佛子觀如是等四種法門斷四惡道證四涅槃盡未來際度諸有情今證阿耨多羅三藐三菩提復次善男子出家菩薩住阿蘭若具足八種三昧清淨莊嚴自身云何為

八一者獨坐蘭若三昧清淨二者遠離綺語三昧清淨三者遠離五欲三昧清淨四者調伏身心三昧清淨五者飲食知足三昧清淨六者遠離惡求三昧清淨七者遠離因聲起愛三昧清淨八者為眾說法不求利養三昧清淨善男子如是八種三昧清淨能生百千諸三昧門汝等佛子應當修習速證無上正等菩提復次善男子出家菩薩住阿蘭若復有八種智慧清淨云何為八一者五蘊善巧智慧清淨二者十二處善巧智慧清淨三者十八界善巧智慧清淨四者二十二相善巧方便智慧清淨五者三解脱門善巧方便智慧清淨六者能滅一切煩惱善巧方便智慧清淨七者能滅隨煩惱善巧方便智慧清淨八者能滅六十二見善巧方便智慧清淨善男子如是八種智慧清淨汝等菩薩當勤修習速證無上正等菩提復次善男子出家菩薩住阿蘭若復有八種神通清淨莊嚴自身云何為八一者於諸色法得無障礙天眼善巧方便神通清淨二者於諸聲境得無障礙天耳

善巧方便神通清淨三者於諸眾生心心所法得無障礙他心智善巧方便神通清淨四者憶念過去生處死復得無障礙宿住智善巧方便神通清淨五者能往十方無數佛剎得無障礙神境智善巧方便神通清淨六者能知眾生漏盡未盡得無障礙漏盡智善巧方便神通清淨七者能滅一切煩惱得無障礙無漏智善巧方便神通清淨八者現見自身一切善根迴向眾生善巧方便神通清淨善男子如是八種神通清淨十方菩薩同所修學汝等菩薩亦應修習速證無上正等菩提復次善男子出家菩薩住阿蘭若現身獲得八種清淨云何為八一者身業清淨二者語業清淨三者意業清淨四者正性清淨五者正命清淨六者頭陀清淨七者離諸清淨八者一念不忘菩提心清淨善男子若有佛子住阿蘭若具足如是八種清淨現身成就無邊善根不復退轉阿耨多羅三藐三菩提復次善男子出家菩薩復有八種多聞清

淨莊嚴自身云何為八一者尊敬和
上阿闍梨多聞清淨二者遠離憍慢
生謙下心多聞清淨三者精進勇猛
多聞清淨四者安住正念多聞清淨
五者為求法者說其深義多聞清淨
六者不受自讚毀他多聞清淨七者
常能觀察一切善法多聞清淨八者
聽聞正法如說修行多聞清淨善男
子如是八種多聞清淨汝等菩薩皆
應修習速證無上正等菩提

今時世尊說如是等菩薩行已告訖
勸菩薩摩訶薩言善男子我涅槃後
後五百歲法欲滅時無量眾生狀離
世間渴仰如來發阿耨多羅三藐三
菩提心入阿蘭若為無上道修習如
是菩薩願行於大菩提得不退轉如
是發心無量眾生命終上生覩史天
宮得見汝身無邊福智之所莊嚴超
越生死證不退轉於當求世大寶龍
華菩提樹下得阿耨多羅三藐三菩
提今時世尊說是法時二萬五千新發
意菩薩於菩提行將欲退轉聞如是
法發堅固心起十信位至第六住三

本生心地觀經卷第七

第六品 止

萬八千淨行婆羅門永斷邪見得大
法忍及陀羅尼七萬六千人皆發無
等阿耨多羅三藐三菩提心

大乘本生心地觀經卷第七

丙午歲高麗國大藏都監奉
勅雕造

本生心地觀經卷第七

第九品 止

大乘本生心地觀經卷第八

匡

觀心品第十

大唐高麗國三藏般若奉

詔譯

今時文殊師利菩薩摩訶薩即從座
起整衣服偏袒右肩右膝著地曲躬
合掌白佛言世尊如佛所說告妙德
等五百長者我為汝等敷演心地微
妙法門而此道場無量無邊人天大
眾皆生渴仰我今為是啓問如來云
何為心云何為地唯願世尊無緣大
慈無礙大悲為諸眾生分別演說未
離苦者令得離苦未安樂者令得安
樂未發心者令得發心未證果者令
得證果同於一道而得涅槃
今時薄伽梵以無量劫中修諸福智
所獲清淨決定勝法大妙智印印文
殊師利言善哉善哉汝今真是三世
佛母一切如來在修行地皆曾引導
初發信心以是因緣十方國土成正
覺者皆以文殊而為其母然今汝身
以本願力現菩薩相請問如來不思
議法諦聽諦聽善思念之吾當普為
分別解說唯然世尊我等樂聞

余時薄伽梵妙善成就一切如來最勝住持平等性智種種希有微妙功德已能善獲一切諸佛決定勝法大乘智印已善圓證一切如來金剛秘密殊勝妙智已能安住無礙大悲自然救攝十方有情已善圓滿妙觀察智不觀而觀不說而說是薄伽梵告諸佛母無始大聖文殊師利菩薩摩訶薩言大善男子此法名為十方如來最勝秘密心地法門此法名為一切凡夫入如來地頓悟法門此法名為一切菩薩趣大菩提真實正路此法名為三世諸佛自受法樂微妙寶宮此法名為一切饒益有情無盡寶藏此法能引諸菩薩眾到色究竟自在智處此法能引諸菩提樹後身菩薩真寶導師此法能雨世出世財如摩尼寶滿眾生願此法能生十方三世一切諸佛功德本源此法能銷一切眾生諸惡業果此法能與一切眾生死險難此法能息一切眾苦海波浪此法能救苦惱眾生而作急難此

法能通一切眾生老病死此法善能出生諸法因緣種子此法能與生此長安大菩薩此法能破口魔兵眾而作甲冑此法即是正勇猛軍戰勝魔軍此法即是一切諸佛無上法輪此法即是最勝法幢此法即是整大法鼓此法即是吹大法螺此法即是大師子王此法即是大師子吼此法即如因大聖王善能正治若願王化獲大安樂若達王化尋被誅滅毒男子三界之中以心為主能觀心者究竟解脫不能觀者究竟沈淪眾生之心猶如大地五穀五果從大地生如是心法生世出世善惡五趣有學無學覺菩薩及於如來以是因緣三界唯心心名為地一切凡夫親近善友聞心地法如理觀察如說修行自作教他讚勸慶慰如是之人能斷三障速圓眾行疾得阿耨多羅三藐三菩提余時大聖文殊師利菩薩白佛言世尊如佛所說唯將心法為三界主心法本無不來虛誑云何心法深貪瞋癡於三世法誰能為心過去心已滅未來心未至現在心不住諸法之內

性不可得諸法之外相不可得諸法中間都不可得心法本來無有形相心法本來無有住處一切如來尚不見心何況餘人得見心法一切諸法從妄想生以是因緣今者世尊為大泉說三界唯心願佛哀愍如實解說余時佛告文殊師利菩薩言如是如是善男子如汝所問心心所法本性空寂我說眾喻以明其義善男子心如幻法由徧計生種種心想受苦樂故心如流水念念生滅於前後世不離住故心如大風一剎那間歷方所故心如燈焰眾緣和合而得生故心如電光須臾之頃不久住故心如虛空客塵煩惱所覆障故心如猿猴遊五欲樹不覺住故心如畫師能畫世間種種色故心如僮僕為諸煩惱所染役故心如獨行無第二故心如國王起種種事得自在故心如怨家能令自身受大苦故心如壞塵塗汚自身生雜穢故心如影像於無常法執為常故心如幻夢於無我法執為我故心如夜叉能取種種功德法故心

如青蠅好穢惡故心如殺者能害身故心如敵對常伺過故心如盜賊竊功德故心如大鼓起鬪戰故心如飛蛾受燈色故心如野鹿逐假聲故心如羣猪樂雜穢故心如衆蜂集蜜味故心如醉象耽耽觸故善男子如是所說心心所法無內無外亦無中間於諸法中求不可得去來現在亦不可得超越三世非有非無常懷淡著從妄緣現緣無自性性空故如是空性不生不滅無來無去不一不異非斷非常本無生處亦無滅處亦非遠離非不遠離如是心等不異無爲無爲之體不異心等心法之體本不可說非心法者亦不可說何以故若無爲是心即名斷見若離心法即名常見永離二相不著二邊如是悟者名見真諦悟真諦者名爲賢聖一切賢聖性本空寂無爲法中戒無持犯亦無大小無有心王及心所法無苦無樂如是法界自性無垢無上中下差別之相何以故是無爲法性平等故如衆河水流入海中盡同一味無

卷之三

第五

別相故此無垢性是無等等遠離於我及離我所以此三垢性非實非虛此無垢性是第一義無盡滅相體本不生此無垢性常住不變最勝涅槃我樂淨故此無垢性遠離一切不平不淨等體無異故若有善男子善女人欲求阿耨多羅三藐三菩提者應當一心修習如是心地觀法今時世尊欲重宣此義而說偈言
三世覺母妙吉祥 請問如來心地法
我今於此大會衆 開演成佛觀行門
此法難遇過優曇 一切世間應渴仰
十方諸佛證大覺 無不從此法修成
我是無上調御師 轉正法輪周世界
化度無量諸衆生 當知由悟心地觀
一切有情聞此法 欣趣菩提得授記
一切有緣得記人 脩此觀門當作佛
諸佛自受大法樂 住心地觀妙寶宮
受職菩薩悟無生 觀心地門偏法界
後身菩薩坐覺樹 入此觀行證菩提
此法能雨七聖財 滿衆生願摩尼寶
此法名爲常樂母 出生三世三佛身
此法名爲金剛甲 能敵四衆諸魔軍
此法能作大舟航 令渡中流至寶所

卷之三

第六

此法最勝大法鼓 此法高顯大法幢
此法金剛大法螺 此法照世大法炬
此法猶如大聖主 賞功罰過順人心
此法猶如波濤日 生成長養依時候
我以衆喻明空義 是知三界唯一心
心有大力世界生 自在能爲變化主
惡想善心更造集 過現未來生死因
依止妄業有世間 愛非愛果恒相續
心如流水不覺住 心如飄風過國土
亦如猿猴依樹戲 亦如幻事依幻成
如空飛鳥無所礙 如空聚落人奔走
如是心法本非有 凡夫執迷謂非無
若能觀心體性空 惑障不生便解脫
亦時如來於諸衆生起大悲心猶如父
母愛念一子爲滅世間大力邪見利益
安樂一切有情宣說觀心陀羅尼曰
唵一室佉二波羅三舍底四吠憐迦盧頌五
余時如來說真言已告文殊師利菩
薩摩訶薩如是神呪具大威力若有
善男子善女人持此呪時舉清淨手
左右十指更互相叉以右押左更相
堅握如縛著形名金剛縛印成此印
已習前真言盡滿一遍勝於讀習十

卷之三

第七

◇高麗大藏經◇

五三二

二部經所獲功德無有量乃至菩提不復退轉

大乘本生心地觀經發菩提心品第十一

余時薄伽梵已能善獲一切如來灌頂寶冠超過三界已得圓滿陀羅尼自在已善圓證三摩地自在妙善成就一切智智一切種智能作有情種種差別時薄伽梵為諸衆生宣說觀心妙法門已告文殊師利菩薩摩訶薩言大善男子我為衆生已說心地亦復當說發菩提心大陀羅尼今諸有情發阿耨多羅三藐三菩提心速圓妙果

余時文殊師利菩薩白佛言世尊如佛所說過去已滅未來未至現在不住三世所有一切心法本性皆空彼菩提心說何名發善哉世尊願為解說斷諸疑網令趣菩提

佛告文殊師利善男子諸心法中起衆邪見為欲除斷六十二見種種見故心心所法我說為空如是諸見無住止故譬如聚林叢密茂盛師子白象虎狼惡獸潛住其中毒發害人迫

經行跡時有智者以火燒林因林空故諸大惡獸無復遺餘心空見滅亦復如是又善男子以何因緣立空義耶為滅煩惱從妄心生而說是空善男子若執空理為究竟者空性亦空執空作病亦應除遣何以故若執空義為究竟者諸法皆空無因果路如邪陀有何差別善男子如阿伽陀藥能療諸病若有病者服之必差其病既愈藥隨病除無病服藥藥還成病善男子今設空藥為除有病執有成病執空亦然誰有智者服藥取病善男子若起有見勝起空見空治有病無藥治空善男子以是因緣服於空藥除邪見已自覺悟心能發菩提此覺悟心即菩提心無有二相善男子自覺悟心有四種義云何為四謂諸凡夫有二種心諸佛菩薩有二種心善男子凡夫二心其相云何一者眼識乃至意識同緣自境名自悟心二者離於五根心心所法和合緣境名自悟心善男子如是二心能發菩提善男子賢聖二心其相云何一者觀

真實理智二者觀一切境智善男子如是四種名自悟心

余時文殊師利菩薩白佛言世尊心無形相亦無住處凡夫行者最初發心依何等起觀何等相佛言善男子凡夫所觀菩提心相猶如清淨圓滿月輪於胃臆上明朗而住若欲速得不退轉者在阿蘭若及空寂室端身正念結前如來金剛縛印冥目觀察臆中明月作是思惟是滿月輪五十四旬無垢明淨內外澄澈最極清涼月即是心心即是月應賢無染妄想不生能令衆生身心清淨大菩提心堅固不退結此手印持念觀察大菩提心微妙章句一切菩薩最初發心清淨真言

唵一善地三室多三牟致波三合陀耶五河六此陀羅尼具大威德能令行者不復退轉去來現在一切菩薩在於因地初發心時悉皆專念持此真言入不退地速回正覺善男子時彼行者端身正念都不動搖繫心月輪成熟觀察是名菩薩觀菩提心成佛三昧若

有凡夫修此觀者所起五逆四重十惡及一闢提如是等罪盡皆消滅即獲五種三摩地門云何爲五一者剎那三昧二者微塵三昧三者白縷三昧四者起伏三昧五者安住三昧云何名爲剎那三昧謂覺想念滿月而住譬如獼猴身有所繫遠不得去近不得停唯困飢渴須臾住止凡夫觀心亦復如是覺得三昧名爲剎那云何名爲微塵三昧謂於三昧少相應譬如有人常自食苦未嘗食甜於一時中得一塵蜜到於舌根增勝歡喜倍生踊躍更求多蜜如是行者經於長劫食衆苦味而今得與甘甜三昧少分相應名爲微塵云何名爲白縷三昧謂凡夫人自無始時盡未來際今得此定譬如潔皂多黑色中見一白縷如是行者於多生死黑闇夜中而今方得白淨三昧名之爲縷云何名爲起伏三昧所謂行者觀心未熟或善成立未善成立如是三昧猶攝位昂名爲起伏云何名爲安住三昧修前四定心得安住善能守護不

本生心地經卷第八

第三十二

察諸應如人夏中遠涉沙磧備受炎毒其心渴乏殆無所堪忽得雪山甘美之水天詠陀等頓除熱惱身意泰然是故三昧名爲安住入此定已遠離或障發生無上菩提之芽速登菩薩功德十地
今時會中無量人天聞此甚深諸菩薩母不可思議大陀羅尼已九萬八千諸菩薩等證得喜地無量衆生發阿耨多羅三藐三菩提心
大乘本生心地經成佛品第十二
今時薄伽梵能善安住清淨法界三世平等無始無終不動寂然常無斷盡大智光明普照世界善巧方便變現神通化十方土靡不周遍是薄伽梵告文殊師利菩薩摩訶薩言瑜伽行者觀月輪已應觀三柱大秘密法云何爲三一者心秘密二者語秘密三者身秘密云何名爲心秘密法瑜伽行者觀滿月中出生金色五鈷金剛光明燦然猶如鈷金放於無數大白光明以是觀察名心秘密云何名爲語言秘密

本生心地經卷第八

第三十三

三

庵一地室多二合婆伽羅云
此陀羅尼具大威力一切菩薩成佛真跡是故名爲語言秘密云何名爲身秘密法於道場中端身正念手結引導無上菩提最第一印安置胃臍心月輪中善男子我當爲汝說其印相先以左右二大姆指各入左右手掌之內各以左右頭指中指及第四指堅握姆指作於手拳即是堅牢金剛拳印次不改拳舒左頭指直豎虛空以其左拳著於心上右拳小指堅握左拳頭指一節次以右拳頭指之頭即指左拳姆指一節亦著心前是名引導無上菩提第一智印亦名能滿無明黑闇大光明印以結此印加持力故十方諸佛摩行者頂受大菩提勝決定記是大毗盧遮那如來無量福聚大妙智印
今時行者結此印已即作此觀一切有情共結此印持念真言十方世界無三惡道八難苦果同受第一清淨法樂我今首上有大寶冠其天冠中五佛如來結跏趺坐我是毗盧遮那

本生心地經卷第八

第三十四

如來圓滿具足三十二相八十種好放大光明照十方界利益安樂一切衆生如是觀察名入毗盧遮那如來最勝三昧譬如有人悟迦盧微妙觀門自作是觀我身即是金翅鳥王心息語言亦復如是以此觀力能消毒藥一切惡毒不能爲害凡夫行者亦復如是作降伏坐身不動指手結智印密念真言入此觀時能滅三毒消除業障增長福智世出世願速得圓滿八萬四千諸煩惱障不能現起恒河沙等所知重障漸漸消滅無漏大智能斷金剛般若波羅蜜現前圓滿速得阿耨多羅三藐三菩提

余時文殊師利菩薩白佛言希有世尊希有善逝如來出世過優曇華假使出世說是法難如是心地三種秘密無上法輪實能利樂一切衆生入如來地及菩薩地真實正路若有衆生不惜身命修此法速證菩提余時佛告文殊師利菩薩言若有善男子善女人欲得修習三種秘密成佛契門早獲如來功德身者當著菩薩

三十二種大金剛甲修此妙觀必證如來清淨法身云何名爲三十二甲一者於無量劫爲衆生故不厭生死受苦大甲二者誓度無量有情乃至蟻蟻不捨大甲三者覺悟衆生生死長夢安置三種秘密大甲四者擁護佛法於一切時猶如響應護法大甲五者永滅能起有無二見一切煩惱金剛大甲六者頭目髓腦妻子珍寶有求求者能捨大甲七者家中所受一切樂具永不貪著能施大甲八者能持菩薩三聚淨戒終不捨離頭陀大甲九者著忍辱衣遇諸違緣毀罵鞭打不報大甲十者教化所有一切緣覺聲聞令趣一乘迴心大甲十一者譬如大風晝夜不歇度諸有情精進大甲十二者身心寂靜口無過犯修行解脫三昧大甲十三者生死涅槃無有二見饒益衆生平等大甲十四者無緣大慈利益群品恒無厭捨與樂大甲十五者無礙大悲救攝一切無有限量拔苦大甲十六者於諸衆生無有怨結恒作饒益大喜大甲十七者華行

苦行不憚勞苦恒無退轉大甲十八者有苦衆生來菩薩所代彼受苦不狀大甲十九者如觀掌中阿摩勒果如是能見解脫大甲二十者見五蘊身如旗陀羅損害善事無著大甲二十一者見十二入如空聚落常懷恐怖厭捨大甲二十二者見十八界猶如幻化無有真實大智大甲二十三三者見一切法同於法界不見衆相證真大甲二十四者掩佗人惡不藏已過狀難三界出世大甲二十五者如大醫王應病與藥菩薩隨宜演化大甲二十六者見彼三乘體本不異究竟迴心歸一大甲二十七者紹三寶種使不斷絕轉妙法輪度人大甲二十八者佛於衆生有大恩德爲報佛恩修道大甲二十九者觀一切法本性空寂不生不滅無垢大甲三十者悟無生忍得陀羅尼樂說辯才無礙大甲三十一者廣化有情坐菩提樹令證佛果一味大甲三十二者一剎那心般若相應悟三世法無餘大甲是名菩薩摩訶薩三十二種金

時大甲

文殊師利菩薩若有善男子善女人
身被如是金剛甲冑當勤修習三種
祕密於現世中具大福智速證無上
正等菩提

爾時大聖文殊師利菩薩摩訶薩及
諸大衆聞佛所說三種祕密心地妙法
及三十二金剛甲冑一切菩薩所應學
處各脫無價瓔珞寶衣供養毗盧遮
那如來及十方尊而讚佛言善哉善
哉佛薄伽梵演說無邊菩薩行願利益
安樂一切衆生捨凡夫身使入佛地
今者我等海會大衆爲報佛恩不惜
身命爲諸衆生徇諸佛土分別演說
此微妙法受持讀誦書寫流布令不
斷絕唯願如來垂護念

爾時大會聞此妙法得大饒益不可
稱計無數菩薩各得證悟不退轉位
一切人天皆獲勝利乃至五趣一切
有情斷諸重障得無量樂悉皆當得
阿耨多羅三藐三菩提

大乘本生心地觀經囑累品第十三
爾時釋迦牟尼如來告文殊師利菩

菩薩等阿僧祇海會大衆言我於無量

那度多百千大劫不惜身命頭目手
足血肉骨髓妻子國城一切珍寶有
來求者悉用布施修習百千難行苦
行獲證大乘心地觀門今以此法付
囑汝等汝等當知此甚深經十方三
世無上十力之所宣說

如是經寶最極微妙能爲有情一切
利樂於此三千大千世界十方諸佛
國土之中所有無邊諸有情類傍生
餓鬼地獄衆生由此大乘心地觀經
殊勝功德威神之力令離諸苦得受
安樂如是經力福德難思能令所在國
土豐樂無諸怨敵

譬如有人得如意珠置於家中能生
一切殊妙樂具此妙經寶亦復如是
能與國界無盡安樂亦如三十三天
末尼天鼓能出種種百千音聲令彼
天衆受諸快樂

此經法鼓亦復如是能令國界最勝
安樂以是因緣汝等大衆住大忍力
流通此經爾時文殊師利菩薩白佛
言世尊希有如來希有善逝乃說甚

深大乘微妙心地觀經能廣利益大
乘行者唯然世尊實爲深妙若有善
男子善女人能持此經乃至一四句
偈如是之人得幾所福

爾時薄伽梵告文殊師利菩薩言若
有善男子善女人於恒河沙三十六
千世界滿中七寶以用供養十方諸
佛爲一一佛造立精舍七寶莊嚴安
置供養佛及菩薩滿恒沙劫彼諸如
來所有無量聲聞弟子亦以供養一
切所須如供養佛等無差別如是諸
佛及聲聞等般涅槃後起大寶塔供
養舍利若善男子善女人暫聞信解
此心地經一四句偈發菩提心受持
讀念解說書寫乃至極少爲一人說
以彼種種供養功德比此說經所獲
功德十六分中不及其一乃至算數
譬喻所不能及況能具足受持讀習
廣爲人說所得福利不可限量若有
女人發菩提心受持讀誦書寫解說
此心地經如是女人爲最後身更不
復受不墮惡道八難之處於現身中
咸得十種勝利之福一者增長壽命

二者除衆病惱三者能滅業障四者
福智皆增五者不亡資財六者皮膚
潤澤七者爲人愛敬八者得孝養子
九者眷屬和睦十者善心堅牢文殊
師利在在處處若讀若誦若解說若
書寫若經卷所住之處即是佛塔一切
天龍人非人等應以人中天上妙珍
寶而供養之所以者何若此經典所
在之處即爲有佛及諸菩薩緣覺聲
聞何以故一切如來修行此經珍凡
夫已得阿耨多羅三藐三菩提一切
賢聖皆從此經得解脫故文殊師利
我涅槃後後五百歲法欲滅時若有
法師受持讀習解說書寫此心地經
衆經中王如是法師與我無異若有
善男子善女人供養尊重此法師者
即爲供養十方三世一切諸佛所得
福德平等無二是名眞法供養如求
如是名爲正行供養所以者何是大
法師在無佛時爲濁惡世邪見有情
演說甚深心地經王使離惡見趣菩
提道廣宣流布令法久住如是名爲
無相好佛一切人天所應供養若有

善男子善女人合掌恭敬此法師者
我授無上大菩提記是人當得阿耨
多羅三藐三菩提若人得聞此心地
經爲報四恩發菩提心若自書若使
人書若讀誦通利如是人等所獲福
德以佛智力等量多少不得其邊是
人名爲諸佛眞子一切諸天梵王帝
釋四大天王訶利底母五百眷屬你
羅跋多大神王龍神八部一切聽
法諸鬼神等晝夜不離常當擁護如
是佛子增長念慧與無礙辯教化衆
生令種佛因文殊師利如是善男子
善女人臨命終時現前得見十方諸
佛三業不亂初獲十種身業清淨云
何爲十一者身不受苦二者目睛不
露三者手不掉動四者足無伸縮五
者便溺不遺六者體不汗流七者不
外捫摸八者手拳舒展九者顏容不
改十者轉側自如由經力故有如是
相次獲十種語業清淨云何爲十一
者出微妙語二者出柔軟語三者出
吉祥語四者出樂聞語五者出隨順
語六者出利益語七者出威德語八

者不背眷屬九者人天敬愛十者讚
佛所說如是善語皆由此經次獲十
種意業清淨云何爲十一者不生瞋
恚二者不懷結恨三者不生慳心四
者不生妬心五者不說過惡六者不
生惡心七者無顛倒心八者不貪衆
物九者遠離七慢十者樂欲證得一
切佛法圓滿三昧文殊師利如是功
德皆由受持讀習通利解說書寫深
妙經典難思議力此心地經於無量
阿僧祇劫時不可得聞何況得見具
足修習沒等大會一心奉持速捨凡
夫當成佛道今時文殊師利法王子
等無量阿僧祇智光菩薩等新發意菩
薩阿若憍陳如等諸大聲聞天龍八部
人非人衆各各一心受持佛語皆大
歡喜信受奉行

大乘本生心地觀經卷第八

丙午歲高麗國大藏都監奉
勅雕造